

觀

象

玩

占

觀象玩占卷之七

鎮星總叙

鎮星一曰地候中央黃帝含樞紐之使勾陳之神土星之精也
鎮星常晨出東方夕伏西方其行二十八歲而一周天

歲鎮一宿故曰鎮星

五常為信

五事為思

仁義禮智以信為本貌言視聽以思為主故四星皆失鎮星
乃為之動 動而盈候王不寧縮有軍不復鎮星主四季其日
戊巳其辰丑未辰戌其卦坤艮其音宮 其數五 其帝黃帝
其神土后

主福德女主之象所國 有福不可伐

又主聚眾主土功主正綱紀 主周梁

主太常主司天下女主之過

鎮星正則女主正邪則女主邪一曰鎮星天子之星也天子失信則

鎮大動

鎮星行色變異占

甘氏曰鎮星四季之時曰王其色正黃北極中央大星而精明有芒角在夏曰相其色黃大而精明無芒角在秋曰休其色黃白無精明在冬曰囚其色黃黑不明在春曰死其色青

白細小而不明此其常也如其常則天下和平

鎮星當王時而有相色其國女主宗強有休色政在公卿有囚色
女主不昌有死絕女主之族不祥其留守之舍有厚德其進舍也
其國得土其退舍也失土當相時而有王色其分主弱女主持
政有休色土功興有囚色女主不昌有死色其國貴人多喪其
留守之舍其國女主危其進舍退舍皆為土功憂事

當休時而有王色其國臣下縱橫有相色女主請謁有囚色女主宗
族有喪有死色國有女喪其留守之舍國人流亡進舍退舍
皆有殃

當囚時而有王色國有赦令四時不和多風雨五谷不成盜起野
多囚人有相色臣下有謀謀司空有休色女主與妾訟有死
色國有恠有土功其留守之舍及進舍其國嗣子憂退舍有喪
當死時而有王色下勝上臣專政枯木更生有相色地洩其藏有休
色五谷暴貴邑人流亡有囚色霜雹有災其留守之舍國有凶
殃其進舍也地動若有蛇怪其退舍也人多流亡

鎮星主中國周三河梁宋之國豫州之地其色黃潤而沉其所居國
有福一曰鎮星光明潤澤其國大熟天下歲豐又曰鎮星色黃
潤女主有喜色青有憂青圓女主疾赤國飢期三年鎮星色

赤女主憂赤而芒澤不出其年兵起赤而芒角有兵喪

凡鎮星色赤為最惡 鎮星赤華期九十日兵起赤而芒角有兵

火

鎮星色黃而輝耀天子大更宮室興土功

黃大而無光女主得意一曰女主分爭

鎮星色白為獄為喪天下不安海中占曰鎮星而芒澤天子子孫有

立王一曰女主退

鎮星色黑女主多疾一曰天下有水災一曰君暗國敗

鎮星色青有兵憂

鎮星色青白不出五月國兵起不則獄事起又曰青多為兵白多為獄
鎮星色青黃國有憂青黑六十日有喪青白等兵獄俱起皆以所宿
命國

鎮星之象也從立夏至其色當赤而小精明無芒角及夏王時比
北極中央大星赤黃而光明有芒角

季秋之時色當比奎大星黃白而光明有芒

季冬之時色當比左角青黃而光明有芒

季春之時色當比參左肩黃白而光明有芒

鎮星在四方宿中如其方色吉 鎮星春色芒其年大熟荊州

占曰鎮星之色春青夏赤秋白冬黑皆為女有喜

鎮星失色而角國有憂一曰鎮星色雜亂女主不安

鎮星生角其國爭地

鎮星三黃芒女主盛黃而角土功興

鎮星有赤黑華兵起期三月

鎮星九芒大水不則天裂若地動

鎮星三黑芒其國苦

鎮星七角且芒女主專政安殺

荊州占曰鎮星出角為旱若失色五角則兵戰亡軍

鎮星出氣四大土功起一日三月雨

鎮星所居其國安益地居之久其福厚甘氏曰邦有德則鎮星守之
至咸曰鎮星所守大人有喜石氏曰鎮星未當居而居當去而
不去之若已去而復還居之其國得土當居而不居之未當去而
去之既已居之復東西南北去之其國失土不則有女憂不可
舉事用兵

鎮星動搖其國土功女主不寧有山崩若地動江河決一日地候
躍地吐泉魚入室

鎮星失次而上上一三宿曰盈有主命不成不則大水失次而下二三宿
曰縮女主威其歲不復不乃天裂若地動

鎮星失次盈縮有喪一曰鎮星失次進則有失地退一則喪

鎮星失行歲多大風人疾疫五谷不實

春秋元命包曰鎮星失次而縮有火災一曰所次之國凶

鎮星行中道則陰陽和 荊州占曰女主正則土行正邪則土行邪

鎮星超起舍而前東行一歲二舍有水火諸候有歸國者

鎮星動而盈王者貪擾不寧

鎮星盈縮地下士謀逆四方相賊

鎮星逆行其國凶逆行一舍為水民去其邑逆行二舍有兵亡地一曰

不出六十日大赦逆行三舍王者死海濱河敗一曰鎮星逆行一舍

以上史棄其法民棄其君子棄其父

鎮星逆行入宿之陽外國淫佚為水逆行入陰女主淫佚為旱逆行十五度以上女主坐之也

鎮星逆行而变色國憂人流又曰人君簡死利慢宗祀則鎮星变色逆行動地

鎮星經天而逆行天下反地大動

鎮星乱行王者無德女后不正乱行入宿之陽外事逆入宿之陰
內事逆

鎮星應居不居其分國飢荒君失道以敗

鎮星至其宿不居即去之其國無道可代

鎮星行列舍或居其南或居其北往來不安其國不可興土功不可舉
一事用兵 海中占曰鎮星去宿天子不立后去宿南女主失勢有大
水去宿北大旱女主災又曰人君好遊獵走狗馳馬出入不時賜與
不當則土星失次其殃為民多疾病歲多大風五谷不實土星去宿
愈遠則災愈愈甚

鎮星出北方宿中其國不利用兵出東方宿中所出之國兵強出
南方宿中其下用兵者亡地出西方宿中其國兵起

鎮星光明盛大其國大昌微小則國主憂民疾有惡風有土功

黃帝占曰土星大如狼星而色黃天下之兵雖合其國不亡土星細小不明女主憂

鎮星始出大而日小所在國不利始出小而日大益所在國利鎮星微小女主失勢

鎮星变色失行於戊己之日及辰戌丑未之月或寅卯之月皆為大凶鎮星晝見臣謀君女主憂上見死

鎮星芒角有土功聚眾事鎮星生足女主被罪退

鎮星彗所居國受兵亡地有喪鎮星珥黃帝退

鎮星自暈土功興國有喪

鎮星出氣有黃穰明年大熱旦霧夕雨不出五日穀賤不出三旬
民病多死

鎮星出氣長四丈有三月之雨土功起

鎮星旁有獨雲如狗狀有土功其一年

鎮星守列宿色青為敗常以四季月戊己日候之变色則為灾

鎮星所在歲星從之伐之利辰星從之伐者不利

鎮星旁有小星臣謀主小星入鎮星中其事決水小星見東方則

東方有其人南西北亦如之各以其所在宿命國 流星犯鎮星民多

漢景帝三年鎮星在婁幾入還居奎奎魯也占曰其國得地是歲魯

為國 又中元三年鎮星當在觜參而去居東井占曰亡地不乃有
女憂是歲條侯亞夫罷相以實后之譖與爭口皇后兄王信之侯也

太白總叙

太白一日殷星一日大正熒頭曰明星曰觀星曰大威曰大暉曰衆星
曰排星曰大驚曰大爽曰序星曰辰見東方曰啓明夕見西方曰長
庚西方白招拒之使白虎之神金之精也大而色白故曰太白五常
為義五事為言義軍之象太白進兵高卑遲速靜躁見伏皆象
之吉主刑殺主秦雍河華蜀漢以西之國其月庚辛其辰申
酉其卦乾兌其音商其數九其帝少昊其神蓐收出以辰戌

人以丑未其出入也必以風雨太自主威主割殺伐故用兵必占之

太白行色變異占

甘氏曰太白在秋曰王其色比狼精白而有光仲秋之時有芒角在四季曰相其色精明而無芒角在冬曰休其色精明而無光在春曰囚其色青黃而不明在夏曰死其色赤黑細小而不明此其常也如其常則天下和平

太白當王時而有相色主弱將強權勢縱橫天下有兵有色休臣有謀主者有囚色所任官者囚有死色大將野死其留守

之舍兵起其進舍也其下兵歸之其退舍也兵弱不用

當相時而有王色主弱將強有休色將不用命有囚色將謀不成有死色將死其留守之舍有兵其進舍也是謂趣兵其退舍也兵出不利

當休時而有王色其野多賊有相色兵起民亂有囚色囚人縱橫有死色軍死于野其留守之舍有逐將其進舍也武吏縱橫其退舍也文吏弄權

當囚時而有王色其分國有叛將有相色下叛其上有休色其野多暴兵有死色有妖言不祥其留守之舍不可舉事用兵其

進舍也歲多霜雹其退舍也冬暖不藏

當死時而有王色流水湯有相色野火煌有休色錢幣不行有
囚色國多狼虎其留守之舍野獸食人其進舍也白办鏘其
退舍也兵不威列

太白血西維秦晉巴蜀羗髮諸國梁雍以西之地其体大而色白
光而潤澤所在之分兵強國昌体小而昧軍敗國亡

太白出東方色黃而明出西方高而色白此其常也

太白圓大怒而色赤天下有兵而不戰赤而芒角乃戰

太白圓黃而澤可以為好

太白色猛赤或白而蒼悴而不光是謂失色其所在國雖得地擊之必尅

太白色黃黑軍在外者宜罷之

太白色蒼黑期六十日有水喪黑多為喪黑蒼等有水且有喪

太白始出色黃白其國吉黃亦吉色赤有兵主人勝國不傷色白

歲熟色黑有水色青為憂

太白色青圓而悴不出六十日有大喪

太白色蒼白而靜天下厭兵

太白色黑而澤有芒天子有子孫喜有立王

太白色赤白而潤國有喜

太白色黑而大青芒角陰國大勝戎兵乃來風災數起國多盜
賊有大獄大兵正咸曰

太白色黑秋水可春破師

太白色白而無角以戰不勝

太白色青而暗小國旱君有大憂草木生榮非時五谷不實

太白色赤而怒兵起國多火災寒熱失節民瘡疾螫虫不藏

甘氏曰太白色赤者武也利以戰色白者文也為不利以戰

武家占曰太白圓明而白潤吉黑圓有憂黑角有水事青圓小

憂青角有木事黃圖國和黃角歲豐有土功事白圖不可戰
白角有喪赤角有兵戰

太白光明見影其國戰勝歲熟

太白光如張蓋其下有國立王

太白細小不明天下盜賊多而不發覺所居國尤甚

太白狀炎然而上大兵起炎然而下則有天拘下於其野有流血

太白見一芒兵起不用見二芒有戰見三芒天下兵起四芒諸侯死境

五芒出早為月食出晚為天矢彗為國凶災

荊州占曰太白見五芒天下更制王國

太白十芒皆出其國不戰而受地

太白有角月兵敢戰者吉畏者敗

太白芒出長而銳大利攻戰順芒所指擊之勝

太白蒼赤芒其國有喪

巫咸曰太白黃而角其國疫白而角其國旱赤而角將戰勝無
角戰不勝青而角多死喪

太白行色變異占

太白所在之鄉其芒日增長如行過維此威武之氣不可不備
海中占曰太白五角有立將六角有取國七角成王四角有

救三角而動有反城胡兵起

荊州占曰太白過宿角長取地長角短取地短角外指得地內指失

地期一年

太白芒角動搖盜賊群行兵旱並作

太白大而角搖而不安東西南北乍上乍下如欲驚者其年有喪

太白初出大而後小其國兵弱先勝而後亡初出小而後大其國兵

強先敗而後成

至咸曰太白出而大甲兵惶旌旗相望太白出而小有城不能

守者有兵不能戰

太白出而赤圓大而光期不出九十日兵大起

荊州占曰太白初出小而後大東方陽國兵起在西方陰國兵起
太白當效而出色白西方利色黑北方利色赤為兵不足傷南方
利色青有憂

太白當出不出當入不入是謂失舍其下國不可以戰不有破軍
必有亡國死王 平咸曰太白當出不出其下有謀當入不入
過二十日天下有兵又曰當出不出當入不入兵起其分國亡
太白未當出而出未當入而入平咸曰天下兵起有破國

太白當出不出未當入而入石氏曰天下偃兵兵外者罷未當出

而出當入而不入天下舉兵當之國亡

太白未當出東方而出東方名曰重華吏謹民擾不得耕織

太白未當下而下東方名曰少歲其歲飢鬼神不享未當出西方而出西方而聚卒兵起

太白未可下而下西方名曰白消有喪吏民帶劔死者不葬

太白不當出而出主躁臣熾軍破國亡

荊州占曰外有急兵出東方急西方急出南北亦如之

太白出東方東方之國吉入東方為北方吉出西方之國吉入西方為南方吉所居久國利易其鄉凶一日太白出西方順行至四正西方之

國吉出東方逆行至四正東方之國吉四正午也出西則從酉至午止出東則從卯至午止不得過午也過則為經年凶

太白出東方以辰巳為極逆行不至巳而返陽國強陰國戰不勝過巳不及午陽國罷天下及午天下聽命于陽國出西方以申未為極順行不至未而返陰國強陽國戰不勝過未不及午陰國霸天下及午天下聽命于陽國

太白昏至未可丁間大將憂晨至巳丙間小將死

太白出南不得過申北不得酉失行而不過酉名曰返生不利侯王失行而過南申是謂金入火不利用兵一曰太白失行

而南不有破軍必有屠城北國當之太白失行而北天下兵
大起失行而南一日有兵兵罷期三年國有男子之喪

太白出卯南南國勝出卯北北國勝出正卯東國勝出酉南南
國勝出酉北北國勝出正酉西國勝

荊州占曰太白出已殺大將出陽國傷出戌胡兵起不戰

太白出戌入未是謂犯地 絕天維其國受兵將多傷

太白出東方若西方過營室強國興不及營室而還入強國敗

太白不出一年強國兵敗不出二年強國君死

太白行失道為將有奸小失道為大奸逆行而失道者尤甚石

氏曰太白居實有德也居虛無德也

太白出于辰之南鄭得位行不失色黃而赤大而有角勝行失而蒼小敗出于辰卯之間宋得位行不失色黃而赤大而有角勝失行而黑小敗出于寅卯之間衛得位行不失色黃大而有角勝失行而蒼小敗于寅北趙得位行不失色黃華而有角勝失行而蒼小敗出于未間吳越得位行不失色蒼赤而有角勝行失而黃小敗出于申之南楚得位行不失色赤大而有角勝行失而黑小敗于申酉之間漢得位行不失色白白而有角勝行失亦小敗出于戌北燕得位行不失色黑大而有角

勝行失而黃小敗出于百成之間齊得位行不失色蒼大而角勝行失而白小敗

太白出入西方其國宋勝韓韓勝趙趙勝魏又日出西方南為楚酉北為秦齊燕

太白始出西南維在日月之陽陽國之將傷在其陰陽國利出西北維在日月之陰陰國之將傷在其陽陰國利太白出東北維匈奴有兵相攻

日方南太白居其南日方北太白居其北為盈候王不用兵進吉退凶日方南

太白居其北日方北太白居其南為縮侯王有憂用兵退吉進凶
春秋元命包曰太白盈則將相謀縮則后族患

凡用兵象太白及反之凶背吉逆之凶

太白進兵宜進太白退兵宜退 太白体大用兵宜疾

太白動搖用兵宜動作

太白行而左兵從而左太白行而右兵從右行疾則隨之疾遲則
從之而遲吉

太白生角敢敗者吉不戰者凶順角所指戰吉逆之而戰凶

太白進退左右用兵宜進退左右吉靜凶

太白圓以靜用兵靜吉躁凶

太白出則兵出入則兵入吉

太白伏而出兵有殃

太白出高用兵深入吉淺凶先起者敵若深入宜固守勿戰
太白出下用兵淺入吉深凶先起者不勝敵若深入可擊

太白遠日兵深其將強太白近日兵淺其將弱

太白行疾為利以戰行遲為文以戰不利

太白已入而未出不可起兵

太白入東方未出西方其六十五日為陽六十五日為陰以此時出兵雖
勝有殃得地復歸之陽為中國陰為負海國

太白入西方未出東方其十五日為陽十五日為陰以此時出兵戰必敗一日太白入西方未出東方南方之國起兵雖戰得地後必敗亡地

太白不見若有客軍來挑戰宜應之不可先戰待其先動而應之勝太白始出東方西方之國不可舉兵始出西方東方之國不可舉兵連之者兵敗亡國

太白晨出東方平旦見辰巳間寇未深入謹守勿戰去亦勿追太白夕出西方昏見未申間寇未深入謹守勿戰去亦勿追

太白出東方為德舉事用兵左之迎之吉出西方為刑舉事用兵

右之背之言一出軍宜背刑向德交戰則宜背德向刑

太白以時出陽四十日不見先起兵者不利人曰陽國利以其陽時出於陰重則 平咸曰太白始出西方小而圓澤有光敢戰者吉不敢戰者凶

太白出至其國之日不見其兵弱可擊得其將

太白不見三日有亡國喪師

太白入七日而復出將軍戰死入十日復出相死入又復出人主惡之

太白已出三日而復微入三日又復盛出是謂濡而復其下國有憂

師雖衆敵食其糧用其兵虜其將

荊州占曰太白已出高二三天乍出乍入者不過五日必有大戰無兵在外則兵大起

太白不滿其日數而入而復出入一日者十日而兵死入五日者五十日而兵死入十日百日兵死當以入之日占其國

太白上復下下復上天下將反若已入三日而復出軍憂主危

太白不上不下而留桑榆間病其下國者出一百六十日不能參天主

卑令不行民乱多盜若出未滿一百六日而上遇參天主尊令主政無盜一日遇參天病其對國參天者三之一也過參則在酉戌之間也

太白出西方失行夷狄敗出東方失行中國敗

太白始出未可擊也色盛未可擊也色衰亦未可擊也色死急擊勿失不擊客將主人色死者青黑之海中占日戰而太白當其軍上有光勝太白变色而逆行不可戰

太白在秋三月出西方色當白而逆行山且有金石之妖言若星隕而為石石之所下冠至其野當祠蓍收反而海之神以穰之言太白晝見有兵兵止無兵兵起一日為兵喪為不臣更主強國弱弱國強一曰太白晝見各以宿占其宿兵起又曰太白秦星也晝見秦國強

太白晝見與日爭明女主持政大臣執權四海兵起

太白經天天下華民更主人民流亡天子失仁刑罰苛而攻戰行則
太白經天荊州占曰太白經天海內悲涼九州動搖負兵奪糧
四夷交侵天下攘：武容占曰太白經天不出三年有大喪大臣
有殃各以其宿占國孟康曰經天謂出東而入西出西而入東也
太白陰星出西則當伏東過午則為經天經地天則天下革命
晝見與經天不同者晝見者當晝而見經天則順行至未或逆行
至已而不伏故晝當午而見所以出東而入西出西而入東也

五星木火土為陽星不以晝過午為權金水為陰星附日而行皆

旦見於午則落甚天故其殃為大凡經天則必晝見以其法日遠也晝見則不必經天故自冬為戰占也

太白出而墜地其下山摧石裂大水枯木竭

太白流其國兵敗將死

太白自暈天下有赦有兵不出二百日其國失軍

太白出祿氣三丈大水兵大起

太白出氣白祿明日大風道上無灰塵不出五日糴貴五倍不出

年中有兵一日歲多大霧傷五谷婦女多毀傷其子者滿月乃止

太白出彗在西南維中國受兵亡地太白出彗在西北維胡狄受兵亡地

太白出氣長三天若五丈^天大風雨兵起所止居民俱驚

太白守列宿色赤為敗常以秋三月庚辛日候變色為災

太白垂天下亂臣叛主

秦始皇時太白在經天是張楚興兵秦卒以亡

漢高帝三年秋太白出西方有光幾中^中北^北南過其乃入是時項

羽為楚王而漢已定三秦與項羽相拒滎陽太白出西方有光

我中是秦地戰將勝而漢國將興也二年而漢滅楚

昭帝始元年太白出西方下行一金復上行二金而下去占曰太白主兵

上而復下將有殺死者其後

太白出東方入咸池東下入東井占曰人臣不忠有謀上者後左將軍傑驃騎將軍安與長公主燕刺王謀作亂咸伏其事王莽地皇四年秋太白在太微中光燭地如月太白為兵太微為天庭太白盈而北入太微大兵入宮庭之象也是時莽兵敗于昆陽十月漢兵入京師誅莽更始入長安復為赤眉所執皆大兵入宮庭之應也

漢安帝永初二年正月戊子太白晝見是時鄧氏持政

順帝永建二年二月癸未太白晝見三十九日閏月乙酉入見東南
維四十一日五年閏月庚子六年十月乙卯永和二年夏五月戊申

年二月辛巳三月壬子六月丙午八月乙卯太白俱晝見是時大將軍梁商父子秉政

又漢安二年正月己亥七月甲申太白俱晝見明年八月帝崩又明年冲帝崩

桓帝近熹九年七月丙戌太白晝見經天占曰為兵大人憂是年太原太守劉 南陽城璠等皆坐誅荊州刺史李膺為賊所拘十二月丁丑帝崩太傅陳蕃大將軍竇武尚書令戶勳等皆為宦官所收漢由是亡

晉武帝咸寧四年九月太白當見不見占曰是謂失舍是時羊祜

表來伐吳上許之五年十一月兵出太白始夕見太康元年遂滅
吳

惠帝永寧元年六月十月乙未太白晝見永康元年又晝見於
是賈后殺皇子趙王倫又廢賈后至明年恭位晉室因是大
亂又光熙元年四月太白失行自翼至尾箕占曰太白失行而北
是謂反生不有破軍必有屠城五月汲桑攻魏郡太守馮嵩
出城大敗桑遂殺東燕王騰焚燒魏時公宮室皆尽死者万
餘人

懷帝永嘉二年正月庚午太白伏不見二月庚子始晨見東方

是謂當見不見其後破軍殺將不可勝數帝降虜遮中夏淹沒

唐帝建元二年四月乙酉太白晝見

穆帝永和元年五月辛巳太白晝見在井六年八月又見在斗占

曰為臣強為兵是時天下分裂兵革並起丑政多出大臣是其驗也

穆帝永十年七月庚子太白晝見在井時桓溫伐秦其燒柳軍

哀帝興寧元年十月太白晝見在元簡天

咸安二年太白晝見在七星是時桓溫專制

孝武帝寧康二年十二月甲申太白晝見在氐太元元年八月癸酉

人晝見在氐二年九月壬午晝見在角六年九月七年十月晝見在

斗八年四月甲子晝見在參太元元年破堅破涼州虜張天錫
八年桓冲征沔漢亮伐蜀並拔城畧地八月符堅大舉入寇謝
玄擊敗之九年七月丙戌十月丁巳太白又晝見十年四月又晝見
于卯畢之間是時符堅衆潰趙魏連兵堅為姚萇所殺
十年三月戊申太白晝見在東井六月甲申又晝見于鬼於是
時符堅姚萇相伐兵戈不息

安帝義熙元年至恭帝元興元年太白經天者九於是禪位於宋
唐高祖武德九年五月太白晝見六月丁巳經天己未又經天在
秦分自是晝見至八月其後秦王卒有天下

辰星總叙

辰星一日安調一日細極一日熊星曰鈞星曰司農曰兔星曰
小武曰何晨曰鼎星曰小義北方黑帝叶光紀之使玄武之
宿水之精也辰星之出常在四仲出以辰戌入以丑未二旬而
入晨候之東方夕候之西方附日而行其出入也不違其時
故曰辰星辰星宰相之象又為廷尉主刑法殺伐戰鬪在軍
在外野為偏將軍無軍為刑官主和陰陽五常為智五事為
聰智虧聰失逆冬令傷水氣則罰見辰星故辰星主冬其國
燕趙代其日土於其辰亥子其帝顓頊其神玄冥其音羽其

世十一數六其卦坎主刑獄陰阻之事辰宿星所在有權智用兵為主失其時則寒暑失節國當大飢辰星出入必有以陰雨不則陰風辰星又為夷狄之事及刑法之得失皆于辰星視之

辰星行色變異占

甘氏曰辰星在冬曰王色比奎大星青白精明而有光仲冬之月有芒角在秋相其色精明無芒角不搖

在春曰休其色青黃微小無光在夏曰囚其色黃黑而不明在四季曰死其色青赤小而不明此其常也不失其常則天下

和平

辰星當王特色而有相色大臣專政君令不行有休色冬旱不
冰有囚色冬無霜有死色雨露日不行雷電行其留守之舍
國不祥英進舍也與五星和天下有謀其退舍也五星反之不
可舉事用兵

當相時而有王色主弱臣強有休色政令不行有囚色秋不霜
有死色谷不成雷不藏其留守之舍其國破亡其進舍也
與五星合其國有殃其退舍也五星反之可舉事用兵

當休時而有王色人主政皆大臣縱橫有相色將相君臣不可有
囚色夏旱有死色六月疾作有土功其留守之舍其國多死小

見其進舍也與五星合天下有水其退舍也五星反之其國不可舉事用兵

當死時而有王色貴人疾病有休色民有疾病有囚色大旱其留守之舍有疫其進舍也與五星合其年谷不登其退舍也國有兵不成行

辰星行色變異占

辰星主燕趙代之國出冀之地及匈奴北狄又主蠻夷戎貊其色織女大星為正青比左角黑比亢此常色也又曰辰星正色春當青黑夏當赤黑四季黃黑秋白冬黑則吉其變色也青為憂

刑獄起生殺不當蝗虫為災民多疥胎有妖色赤而昧刑禍
並作其國旱又多暴風冬不雪而有雷色白而大威刑並作
獄訟頗多霜雪不時大臣戮兵

兵起色黑大水色黃而小地大動

辰星青圓為憂青角有水赤圓為兵赤角兵大起

白圓為喪邪萌曰辰星見而色白中謀大起

黑圓明潤吉黑角憂水有小戰甘氏曰辰星色黑三芒天下
有兵兵止無兵兵起有水災黃潤有福

天官書曰辰星色黃而小出而易處天下災歲不善石氏曰辰

星黃角有爭地辰星之效也其色春青黃夏赤白若赤黃秋
青白冬黃而不明皆眚效者依時而出也

辰星當效而出色白為旱 黃五谷熟 赤為兵 青為喪

黑為水 有兵在外辰星出東方色赤中國勝外國敗出西方色
赤外國勝中國敗天下無兵於外而赤則兵起一日辰星出東方色

白中國勝

辰星色蒼白其六十日有喪

辰星仲夏而出色當赤黑而青黑色其色多水晚出為掃星必有水

國

辰星昏四時變色其不出期年君以女色亡

辰星出角有小戰

辰星怒芒角有暴戾不則水損城廓傷禾苗一曰疫國訖

天官書曰辰星仲春春分夕出効奎胃東五舍為齊仲夏夏至夕出効東井與柳東七舍為楚

仲秋 秋分晨出効角亢氐房東四舍為漢

仲冬 冬至晨出効心尾箕斗牽居舍為中國失舍失行則災辰星當効為失律天下有兵不出在外不戰

辰星三時不出兵大起四時不出天下更政

至咸曰辰星一時不出一時不和兵起二時不和有大水三時不出三時不和甲兵大動四時不出四時不和天下大飢有洪水梁人民一日有孛星出于東方

辰星當出不出是謂擊卒兵大起

辰星春不効國有暴雨六十日有流邑一日辰星春不見期百八十日有大風發屋折木秋不實長稼傷乃見彗星

夏不見期百八十日旱 冬不藏中稼傷乃見月食

秋不見期百八十日有兵稼穡傷

冬不見期百八十日有陰雨六十日有漂邑夏不長民大流

荊州占曰辰星春不見期百有暴風疾雨禾稼大傷夏不見
為旱飢其九十有流民秋不見期六十有大水冬不見五谷不收
人民流亡四時俱不見河決海溢

辰星不出歲大旱木不長禽畜不孳五谷不成民多病癰疽乙
巳占曰辰星伏而不見經時斷獄者失理

辰星出非其時當寒反溫當溫反寒兵水俱發

辰星一時再見兵起其行右兵右行左兵左行有兵在

辰星行列宿舍天道乘宿之湯為水乘陰旱

辰星亂行流水湯：兵革始：

辰星一南一北害於禾稼侯王有憂

辰星逆行一舍以時水出

辰星夕出未丁之間天下大旱赤地千里

辰星出天南大潦出天地大旱

辰星始出而小 人君近無益之臣內亂兵起

辰星出小而黃當時反雨當雨反晴

辰星出東方大而白有兵在外解

辰星出常不高海且有聚卒

辰星晝見其國大亂以亡一日刑獄煩兵大起宰相刑官弄權

四夷交侵國亡

辰星生足故主出星主入

辰星出彗天下大水

都萌曰不出三月兵聚其下

辰星出氣為黑穰其夕不大雨則明大露不出六日其所在之野大水牛馬

羊皆貴三倍

辰星出氣二大陰陽失節米貴人流天子不藏幸臣亂國且有大水

辰星自暈至咸日邊有兵一日有水兵為患三年乃止

辰星冠珥帝不明下力強陰制政倭人得志兵起天下失主

辰星光明與月相建大水

辰星流君臣相背有反者石氏曰天下大水御史執法刑法之官多死者
辰星春不晨見 秋不見其常也辰星失行伏見不常疾疫水旱兵
災並起

辰星常候之於室角箕杓四星其君政緩則不出急則不入非其時見
則占其占為有逆主之謀

辰星守列舍色黃小則為敗常以冬壬辰日候之變色則為災
辰星所在災惑從之不可伐鎮星從之可伐歲星從之不可伐

辰星與客星合天下亂 流星入辰星天下大水御史獄官多死

漢宣帝本始元年四月壬戌半夜辰星與參星出西方二年七月辛亥辰

星與翼出皆為蚤占曰大臣誅其後霍氏謀反族誅

五星干犯

五星犯列舍及中外官總占

凡五星與列宿間皆亡熒惑臣叛主鎮星為兵敗將死太白為國受伐辰宿為宮中有亂

凡五星相合犯在房心南斗角亢羽林皆為人主有災兵大起臣死角為天庭亢為內朝心為寢宮房為明堂天子有政之所心為亢王正位尾為后宮其中小星曰神宮為天子解衣之室五星不宜犯之有所干犯則災在王者

微為天子之庭五星順由軌道而入端門出左右掖門無所犯守則吉
不由軌道者凶若有所犯守以其所主占之

郊謂曰五星當太微門為受制當左右執法為受事守之三日以
下止也三日以上則為兵飢亂賊

刑州占曰五星順入太微出東掖門為相受命東南出德事也出西
南掖門為將受命西南出刑事也

五星入太微端門守天庭大禍且至守之十日臣害主

入西華門出端門臣詐稱詔

入端門若西門出東門貴人奪勢

入西門而拆出右掖門大臣假主威而不從主命

入西門犯天庭而出端門臣伐君 入中華西門而出中華東門臣全

入中華東西門若左右掖門而南出端門有反臣

入太陰西門而出太陰東門有受天下大洪水

入西門出東門君不要金火入為臣謀主 入南門出東門天下大旱

入南門逆行出西門大水逆入東門而出東門火國亡順入西蕃而

留不去楚固有亡殃今東華至帝座而出西門臣欲誅主不成

五星東行人太微星而出東門天下有急兵若有所犯守視兵所

主以命其人不死則有大憂

五星從南蕃入留南門大臣憂

石氏曰五星逆行太微及出左右掖

門者臣有逆謀天子命將征伐都萌曰五星逆行入左掖門臣
劫主 荊州占曰諸侯為逆以日言國

五星留太微中十日以上天下有亡從起兵

五星行南河戌南為刑法峻暴殺伐不當北河戌北人主以女子金帛
奢淫失道近期三年遠九年國有殃

五星失行守陽門若陰間皆為諸侯有奸以其至日占國

五星行不由天關不出其年有兵

五星逆行入守環統句己翼宿皆為王者絕嗣

五星入於軫中皆為兵發 正成曰五星入軫伺其出入數日期

二十日兵起又從其始入日教之率一日期十日軍罷又日五星入軫守之皆為天下為車大動道路不通

凡五星行列宿有所守犯變色則為災木忌赤小而角大忌黑小而無光土忌赤黑而小金忌小而芒角水忌赤小而角又日木忌白火忌黑土忌青金忌赤水忌黃或暗小而瘁或枯燥而死或芒角奮怒或動不安皆有大殃

凡五星以不土為福德其入列舍色潤明不失時令行度不或平則不為災若變色失行而後言災也

觀象玩占卷之七終



觀象玩占丙集目錄

第八卷

角宿

總敘

日月變異占

月五星干犯占

客星流星彗孛干犯占

雲氣干犯占

亢宿

總敘

日月變異占

月五星干犯占

客星流星彗孛干犯占

雲氣干犯占

第九卷

氐宿

總敘

月五星干犯占

日月變異占

雲氣干犯占

客星流星彗孛干犯占

房宿

總敘

日月變異占

月五星干犯占

客星流星彗孛干犯占

雲氣干犯占

第十卷

心宿

總宿

日月變異占

月五宿干犯占

客星流星彗孛干犯占

雲氣干犯占

尾宿

總敘

日月變異占

月五星干犯占

客星流星彗孛干犯占

雲氣干犯占

箕宿

總敘

日月變異占

月五星干犯占

客星流星彗孛干犯占

雲氣干犯占

第十一卷

斗宿

總敘

日月變異占

月五星干犯占

客星流星彗孛干犯占

雲氣干犯占

牛宿

總敘

斗五星干犯占

雲氣干犯占

日月變異占

客星流星彗孛干犯占

觀象玩占丙集目錄終

觀象玩占卷之八

經星

二十八舍

東方七宿

角宿

總敘

角二星為天關蒼龍角也其間天門其內天庭黃道經其中日月五星之所行也一曰維首一曰天陳一曰天相一曰天根一曰天田金星也主造化萬物布君威信兩角之間陽氣所升左角為理主刑其

三爻曰太陽道言命作五尺右角為將主其北三爻曰言命作五尺
蓋天之三門猶房之四表七曜由其中則天下安寧或失行而入其陽
為旱入其陰則為水角星直指辰即是耕始以為農官角星明大則
王道平賢人用天下安微暗則王道失輔臣不言德令不行天下
有兵動搖則人主慶移徙則人主出用動則其國不安垂芒則天大
一亂不見則國易政

日月變異占

日主利金主尊有憂黃帝占曰將克憂國門閉其言凶也三戒在
憂由之官京房曰其國不安一日黃臣憂邦不實

日暈于角王意安或曰內有陰謀王善曰陰國亦用兵得地

月在角食刑法之官有當黜者陳卓曰其國君死黃帝占曰將更憂或
曰天下道斷大臣憂獄事曰天子惡之曰臣為亂兵起

月暈角宿多死曰有兵亂先起者不勝海中占曰民飢多風雨

黃帝占曰月暈圍兩角大水石氏曰月入角中而暈王者喜又曰大

赦暈角小赦甲乙日為春丙丁日為夏庚辛日為秋壬癸日為冬

陳卓曰月暈圍兩角大將有死郝靖曰有兵百日罷無兵後百日

兵起荊州占曰天下有大兵天子以軍自守或曰軍道不通平歲日月

暈及角中央王自將兵行不百里士卒道亡及右角害太尉及左角

獄大訖却謂曰月暈左角左將軍有殃暈右角右將軍有殃又曰左
角臣有謀暈右角臣背主荊州占曰月以正月暈角將軍死歲飢
正月戊巳日暈用有喪二月暈黃色五月有赦經星曰行天門而暈
三層兵起天下道絕將軍失利

月五星干犯占

月犯角海中占曰其國有慶天文錄曰大人惡之乙巳占有獄事一旦有
喪河圖曰月犯左角左將軍死荊州占曰月犯左角大臣誅天下
有大獄事國有大災犯左角兵起國王死天下多雨

月出左角南三天多獄五尺及丈天子振動海中占曰月出左角南

國君驕恣多暴獄武氏曰大臣不附月行右角北胡王死

月乘右角后族若將相有坐法死者都萌曰大水

月乘左角法官誅都萌曰大旱

月貫角星三年太子死

角星貫月三年君死

月食角星大臣憂有獄事都尉死天下大殃荊州占曰月食藏角

星三年更赦

月按左角其年強國有喪按右角國君死

歲星犯角天下有兵將相憂都萌曰臣為亂曰民多疾疫天下灾

歲星犯左角石氏曰天下道通

歲星犯右角將軍死石氏曰王侯絕天下更主

木入角石氏曰天下有兵其行疾期六十日行遲期百二十日遠不出百

八十日

木守角為中兵石氏曰五穀熟歲善守之百日兵起甘氏曰木守角
七月有赦忠臣用守之又有兵一曰木留守兩角間久不閉梁不通
却前曰木守角一南一北宜忝稷木逆行用其君出入不時 逆
行守角政事急人君有千里之行

木守右角六十日君命衆子荆州占曰木守右角有大德今又曰木守
右角北大水五穀半收守右角南大氣人相食又曰木守右角右賢

士用

木守左角左大赦海中占曰木守左角其色黃白小旱逆行即旱
還則雨

木乘右角兵起大將死曰將相有坐法者都明曰為水為兵

木乘左角法官誅都明曰旱 木食角天下女子多死

木凌左右角國有憂 木出入留食角其歲大熟逆行則吉

榮惑犯角大人憂有赦期一月石氏曰大臣為亂有兵曰貴臣憂有

戰曰左右臣有謀不成伏誅

火入角石氏曰君道不通兵起若環繞勾己之國大飢有伏兵若

勾出入右角兵入左角救

火行角中道天下和平出陽道早出陰道水陳卓白出陰道多

陰謀

火逆行角宮中火災逆行角中成勾已若環繞之人主憂有兵喪

關梁不通

火守角有六戰洛書曰下謀逆謀兵乃出石氏曰火守三月國有殃

五月受兵七月其野亡又曰火守角霸者爭士農者爭犁甘氏曰思

臣誅國危海中占曰貴人子有繫獄者郝萌曰諛臣進政事

急有千里之行又曰有兵兵罷無兵將軍為訖曰大旱曰中

州兵荊州占曰大飢后族有誅者

火守左角有喪色白為兵黃土功青憂赤旱黑刑官死國有殃郝萌曰臣謀其主荊州占曰兵起絲繒倍價石氏曰左將軍憂甘氏曰廷尉憂

火守右角兵起將死石氏曰右將軍憂甘氏曰太尉曰五穀不熟火守兩角間黃帝占曰車道絕不通若出其陰陰國戰勝出其南人多病出其北人多死行右中國有殃行左負海國有殃守之三
十日女主憂

火守天門中十日國有大喪大臣受誅曰火守天門芒角亦災

王絕嗣海中占曰火守左右角其色黃白小旱民小厲郝萌曰火
守左右角已去之復還守之天子行誅伐守左角左將軍發守右
角右將軍發守前前將軍發守後角後將軍發一周五將俱發
火留居兩角間邊境不通荊州占曰火以夏三月中守角若出角入
角中外不通

熒惑生兩刻如鋒刃經角三日而留之人主無出宮廊廟間有伏
兵

火留天門中赤色光芒居之三日天下有大疾疫男子年十五至老
者三年乃止或言郝萌曰火芒角而赤光守天門二千石亡

火經兩角多雨 火環繞兩角成勾已有鋒成鋒月天子失宮

火乘左角旱右角水部萌曰火成左右角為日食國有大變石氏
曰后族及將相坐法死者火與角舍相死一曰相出之

火舍天門中平歲曰人主絕嗣部萌曰大赦若入天門中復出之天
下大飢

火逆行留角三十日萬家邑拔千家邑虜既居之復南北去之其國
不可舉事用兵部萌曰火反行留角國受殃色黑為疾為喪
青為水為飢赤為兵一曰天津不通

火居角陽國有喜居角陰國有憂行不失次也

火居角亢間宮臣有請兵於天子者若去而復還居之天子聽之
兵且起

鎮星犯角大人忌之甘氏曰臣不臣有更令 犯左角有大戰將軍死

土入角去角三尺若一尺與角並出期丙丁日地動

土逆行角都萌曰女主出入不時 土在角失行帝主出入不時有誅戮

土起右角之左角廷尉大理受執

土乘右角后族老將相有坐法死者都萌曰土乘左角為旱乘右

角為水為兵

土逆行凌乘左右角為日食國有大變

土星出入天門中兵在外者羅黃帝占曰土星行角中道天下

太平出陽道旱出陰道多雨陳卓曰土星出角

陰道多陰謀

土舍角色不明女主少子

土留兩角間兵興國門邊境不通

土出入留舍于角六十日不下天下多暴獄七十日不下天下有暴

令八十日不下國有急土守角石氏曰萬物不成甘氏曰后有喜

巫咸曰水灾冰起海中占曰五穀傷人流亡都萌曰將有憂有

土功事曰天子微弱為中兵臣作乱曰國有分爭

土守天門中國弱四夷侵

土守兩角閑閑梁不通車騎滿海中占曰土守右角其色潤澤

歲熟

土乘左角有旱乘右角將相有坐法者

荊州占曰鎮星出入留舍兩角六十日天下多暴獄

鎮星起左角之右角廷尉受執 却明曰鎮星出入天門中兵

凶

鎮星守左角國有重臣曰貴人多死 守右角天子以好畝遊亡

其國

土逆行角大旱其還即雨 土守角色潤澤歲熟色黃小旱

土守角逆行一宿二宿穀責一倍至三宿責三倍還即止

太白犯左角大戰不勝將北天子將自兵于野有謀王者

太白犯右角起兵將軍憂有旱火却萌曰太白犯角道路不通

金入左角右氏曰天子憂臣用事

金逆行左右角間有刺客天子慎之

太白乘兩角大臣有以家事坐罪者一曰臣有謀兵起却萌曰乘

左角旱右角水

太白守角國有急道路不通天下兵大戰守之二十日有大赦海中

占曰兵西行太白色黃大臣有喜色赤臣欲反主

太白守右角黃帝占曰歲大水五穀不成曰君國小人巫咸曰國都
圍大人自將兵疾疫起守之六十日去一尺太子驕佚

太白守左角芒上成兵不用芒下不成兵所前無向石氏曰太白守左
居其上臣愛主居其下奴婢大賤入曰太白守左角止一尺邊境不寧
二尺有憂百姓亡七寸則國危亡守左角下芒成民不聊生

太白守左角鎮星赤會國有忠將歲星赤會國有福德辰星赤
會龍下淵池

巫咸曰太白犯守左角右角與歲或合有大戰破軍殺將若犯左右
角而歲惑從之則災不成

石氏曰太白守左角天狗干之六畜蕃息柱矢干之四夷兵起彗孛
干之皇后有怨臣一曰后有子流星干之主好少妻海中占曰太白
守左角色黃白小旱逆行大旱去後也即雨

辰星行角中道天下和平出陽道旱出陰道水一曰多雨又曰多陰
辰星乘左旱右角水一曰有兵戰 乘右角一曰后族若將相家有坐

死者

辰星與角合閉閤梁阻塞兵起國庭邊境不通

辰星守角王者刑法急大水滂人民往來舟舡相望五穀不成天

下有殃

辰星入角獄有善人一日為兵萬物不成

客星流星彗孛干犯占

客星出角座歲曰臣謀君賊從外來天子乱將相有誅者

客星出兩角間有奸人在天子宫庭武氏曰客星出兩角間色白

兵起大戰國大喪色青有愛色赤兵起有軍在外大戰有破軍拔
城期七十日遠不過三年色黃土功色黑軍破

客星出左角刑官易視其色以占其故及其吉凶

黃赤星出左角猶夫邊

客星出右角與客星相迫大如星赤如血名曰禍星三日三夜不出

三年國亡其出日命國客星出右角石氏曰有驚將色赤戰不
勝色青有憂色黃白不戰而去色黑將死海中占曰大赤星出右
角國兵出黃星出右角國有驚不戰受地白星不戰而退青黑星
戰不勝

客星出右角入左角將有攻吏者國有驚其星搖散挽絕者兵自散
客星入角部謂曰將相后族家有受戮者石氏曰蝗虫生五穀傷

客星入左角兵吏有未擊者色赤以兵事色黃以土功事色白以義
青黑水旱咸曰客星入左角獄多死

荊州占曰色黃獄官有喜赤黑有憂

客星入右角石氏曰軍吏有易者色青以憂去黃以好去白以去去黑以病去或曰色黃軍吉赤黑憂

客星守左角色赤天下大旱五穀不成一曰客守左角獄多冤

客星守右角色黑有大水色赤多暴虐事

客星守兩角間奸臣在宮庭石氏曰強臣執國命一曰多訟獄多
曰大旱大飢却胡曰臣謀主一曰有賊從外來

黃星守兩角間有赦期不出四十日

白星守兩角間天下漏不通

客星止兩角間天下有隱地

却胡曰黃星出止天門中兵在軍中

客星經兩角間君迫塞都謂曰國門閉

白星經兩角間軍在外道塞

客星出亢角入兩角間君使人于諸侯有善令赤色言兵事黃言

土功事白言義青言憂黑言死若兩敵相當者失地

客星數就兩角色黃白兵使有受地者色赤大旱

客星出角亢間色赤國有圍邑曰有大盜色白其分有兵

流星出兩角間天子使出視其色以言事及其吉凶視其所止命國

流星入兩角間有外使來視其所起以言何所其星色黃有貴客來

言土地事若納土色青言憂色赤言兵白言義黑言死喪之事一

曰流星入兩間有兵閼梁不通

流星色赤出入兩角間止有來言軍事者星前赤後黑兵販
將死視其所起以知其所從來流星入在角兵更有來擊者
色赤以兵事黃以土功事有黑死色白以義擊曰兵 流星色
黃出右角而東極望人主將兵行

流星色青出左角而東軍憂

流星黑而光出左角國疾死亡

流星抵角臣謀逆角星失色事成角星不動作亂者伏誅流星
抵角角不動而流星散而復合不出其年宮中有大變貴人
多死者

流星抵右角又為皇后無子

彗孛出兩角天下大亂更主一曰天子起兵于王庭一曰米貴大賊入國一曰天易都一曰暴兵起有戰近期三年中五年遠九年

彗孛入兩角有陷地天下更改

彗孛犯西角色白軍起不戰邦有大喪色赤者戰所指有破軍拔一城期七日遠三年星孛于角為兵為喪天下大亂

雲氣干犯占

雲氣如刀劍出兩角間有陰謀天子無出殿庭不出三十日

青氣入角天子有疾出之禍除

赤氣入左角兵起右角國驚有憂戰

赤氣入角而波揚者有大災如行者將奔命

赤氣從兩角過亢有過兵

赤氣從北斗直過兩角間迴有過兵 白氣出入兩角戰不勝

白氣從兩角過亢者有過客 蒼氣入左角有兵兵敗

蒼雲氣出右角兵出外者戰有憂

蒼白雲氣出入兩角兵有大憂

黑雲氣出入兩角用兵偏將敗有水災

黑雲從兩角過亢有過喪

黃氣入兩角間天子有祠祭事

黃白雲氣潤澤入角王者得地

常以正月二日五月八日十一月十四日候角天門中有雲氣蒼或黑或赤或白皆為中外不通

晉惠帝永興元年七月庚申太白犯角占曰天下大戰是時諸王內亂胡羯外起天下交兵又元年九月丁未月犯左角占曰左將軍死人主憂天下有兵是時諸王承相作亂兵起京師帝卒篡弑

穆帝永和六年七月壬寅日始出西方犯左角占曰大將死天

下有兵七年劉顓殺石祗及諸將師山東大乱

亢宿

總敘

亢四星為天庭為䟽廟天子之府其下八尺日月五星之中道火星也主統領四海總天下之政奏事錄功聽訟理獄一統於亢海中占曰亢者天帝廟宮天子內朝中央丞相也主享祀主疾亢星齊明則宗廟有敬朝廷有序輔臣盡忠民無疾病亢星不明則輔臣失職君令不行有內乱動揺踪拆或移徙則人疾病喪亡則國改錯乱離落位運則兵起有戰不見則水旱為

災天下鼎沸都萌曰秋分視亢不見則為災水旱並作五谷俱傷

日月變異占

日在亢食君憂石氏曰其謀在朝臣之有罪者荊州占曰有反者伏誅武氏曰外諸侯有謀入內者

日暈于亢大臣凶一日多雨傷稼人疾疫二日宗人死大臣戮

月在亢食王者憂大臣有戮死者民大疫三曰刑法之官憂

月暈于亢有兵在外八十日罷無兵後十日兵起王者自將兵行不及百里士卒散亡李淳風曰有兵先起者勝

月以秋三月暈元兵起大戰水中大臣有死者却萌曰有赦再暈
元大雨水民流千里却萌曰冬雷雨水

十月月暈元兵起民流一曰冬暈元天子不安以德令解之

月暈元大戰大臣喪

月五星干紀占

月犯元兵起或曰其國將死黃帝占曰將軍亡旗鼓海中占曰其國
亡地

荊州占曰朝臣有事一曰大人憂人多病朝臣為始一曰王者失政
廷臣作亂

月未亢左星為水右星為兵大起

乙巳占曰月在亢有變王者布政失理宜省刑罰

歲星犯亢黃帝占曰人主有德令五穀熟石氏曰君側有奸臣敗君

三三

荊州占曰有蜚虫驚人滌取曰女主大臣憂乙巳占君當之

木星入亢巫咸曰歲旱絲貴行役國君受吊郝萌曰木入亢或東

或西而去元一尺若三尺地大動期戊巳食時乙巳占曰木數入亢

其國疾疫

木守亢石氏曰年大熱天下有大令國有忠臣若守之去一尺若七尺

有星隕又曰下田豐魚十倍有小兵

海中占曰地動鄰萌曰木守亢七目以上至四十日王者更號大
赦徵賢使行九州墨咸曰木守亢三十日以上兵起年飢一曰木守
亢十日而去國大豐久守則民多病石氏曰木守亢歲其南其歲
地動歲其東有狗妖歲其北大貴流徙歲其西馬生妖歲其
羊生牛海中占曰木守亢北貴為妖祥多疾病大人亡鄰萌曰木
守亢左星焦旱物不生多虫守右星五穀水傷有大兵

木出入留舍亢六十日不下十月有兵進守之大臣死兵不用退守有外兵
來期十月太逆行亢其言不聽政事朝廷多非其人逆行亢亢

中國兵起

逆行乘滅亢右星大人憂 逆行乘滅亢左星天下有奇令

木星乘亢右星百穀萬物不成有大兵

木星舍亢其歲小水舍亢南地動木經亢韓鄭有兵

木火同守亢五穀不成米貴人災

木水同守亢水災人死

熒惑犯亢有衣之會天下大疫有芒角則災火曰大臣惡之

火乘亢右星為大兵為水粟貴一日有奇令

火乘亢左星大人憂火入亢兵起天子中有火災

石氏曰火入亢其國大疫東官侯曰火入亢北星天下白服五穀大貴
火入亢環繞之勾已郝萌曰有謀主之臣有亡國

火入亢十二月入亢勾已環繞之天子失廷

火逆于亢君臣咸失其道一曰有火災

逆行守亢天子庭中有兵

火守亢甘氏曰天子樂民受爵守之久則為兵災大水一曰五穀不
熟民病死又曰有土功事巫咸曰小臣為亂兵起天下旱万物不成
海中占曰天下易政道路不通有白衣會一曰大將有喜一曰天有火
災郝萌曰貴人病死留十日后忌之天子有祠廟事天下病頸疾

東官侯曰米貴天下民憂水船急用芒凌犯白衣暴聚麻麥倍
價火守亢三十日疾病大作

海中占曰火守亢五十日勾已環繞之天子自將兵國易主火守亢
荊州占曰天子惡之都萌曰天子大憂焦旱物生多蝗虫起火守亢
黑色

荊州占曰守十日水萬里不測二十日有沒國三十日澤成海又曰大赦
火與亢合主命者凶

火舍亢其歲小水河圖曰火舍亢陽有喜舍陰其國有憂

火舍亢荊州占曰天子惡之都萌曰天下大憂焦旱物不生多蝗虫起

鎮星犯元朝臣為亂諸侯有失國者一曰逆臣有謀

土入元國多盜賊萬物不成人多疾疫

土逆行亢甘氏曰女主持政一曰土星徒倚亢前後女主非其人若賤人女

一暴貴

荊州占曰春夏為火秋冬水災

土守亢石氏曰五穀傷人流亡甘氏曰旱有土功卻萌曰田宅賤又曰五

穀以水敗至生人疫

巫咸曰土守亢南多火災人疫有中兵物不成守亢北有水或曰土守亢

色青兵黃有土功乙巳卜土守亢天下安

土乘亢右星水災乘左星大兵起五穀貴一曰土乘滅亢右星大人愛
天下有奇令

土出入留舍亢有失地之君一曰其國以威治天下一曰國有兵又曰暴實
賤賤人女暴貴有水

太白犯亢有兵行疾期一月行遲八十日黃帝占曰太白犯亢有兵
貴人有戮者陳卓曰太白犯亢庭臣作亂

太白逆行犯亢亂臣起人主憂

太白入亢中國有兵喪一曰太白入天府廷臣為亂石氏曰其國多
疾病

乙巳占曰若行疾凌犯而有芒角朝廷貴臣有戮者期二百日
速八月又曰金數入亢其國疾疫一曰太白犯亢焦旱物不生
金出入留舍亢鄭地無年多亡民一曰五穀霜死

金守亢為兵天下道不通一曰天子自將兵伐無道者石氏曰宜
收斂邊城嚴兵以備北胡 巫咸曰國有水君憂

一 荊州占曰有兵牛馬急用有奸吏郤萌曰為焦旱多蝗蟲有
亡國一曰五谷水傷多盜賊一曰有水賊

金行亢宿北兵起期六十日行亢下道大旱一曰天兵起

辰星犯亢名曰陰詣三光大水洋一無有城牆一曰其下國多疾

疾或曰諸侯有失國者一曰其分米貴民多流徙一曰逆臣
為亂犯亢右星有大兵國有奇令萬物不成穀貴

辰星守亢國有憂天下亂又守之人疾水災多盜賊兵起民災惡
水逆行守亢大人憂主令不行兵起一曰為中兵水入亢其國疫
水乘亢左星萬物不成穀貴 乘亢右星大兵起有奇令
水舍亢歲有水且旱物不成一曰有兵罷無兵起

客星流星彗孛干犯占

客星犯亢甘氏曰中國不安政亂兵起期一年

客星出亢石氏曰有出使者以色占一曰多兵鄰萌曰愛臣以口舌

自殺海中占曰其國大旱穀傷貴人去其鄉若有芒角地
動期三年

客星黃白色出亢中人有受賜者

客星入亢夏氏曰人流亡郝萌曰天下亂又曰有旱期三十日
有水荊州占曰客星入亢天子有德令色黃期春色期夏
色白期秋色黑期冬

海中占曰客星亢有疾疫後出之則疾已或曰有來使受
命于朝又曰八穀傷士卒出有戰期不出九十日

客星入亢色黃有宗廟事色黑廟中有喪色青有傷

色白有兵有主喪

黃帝占曰客星入亢廟間有兵武氏曰後宮暴亂

客星出氐入亢中而散人主有病

大赤星從角入亢人主遇賊殘赤氣出入居亢氐間廊廟有戰客星與亢合宰相反國易政

客星守亢巫咸曰有德令黃帝占曰國臣有不祥叛者都萌曰臣謀主不成而敗天下不通多蝗虫米帛貴有奇令一日下田傷海中占曰國多妖東官候五穀瀕不成荊州占曰客星守亢色赤為旱青為飢人流亡貴人出

其鄉黃白無害人有憂芒角地動黑鳥民流徙貴人憂
流星亢石氏曰有使來受命于朝一曰偉臣有自殺者
期一年王藩曰宰臣與中官貴謀作亂一曰外國有
使來乙巳占曰大兵有戰

流星色黃白八角亢間有客未見君朝

流星入亢中大臣走死

流星出亢中天子遣使清獄有赦令一曰流星出亢色

黑憂臣有憂

流星出亢春夏妖言與秋冬盜賊起水災

彗字出亢天下大飢其國有兵喪人相食大疫不出三年一曰天子失德天下大亂大水兵喪一曰天子更法令彗字出亢為水為兵為疫 彗字入亢民流亡

彗字犯亢國有大災狄寇亂中國不安兵起臣叛武氏占曰天子失德國有兵喪天下大飢

雲氣干犯占

雲氣青色入亢疫出氐入亢人有喪

黑雲氣入亢有水災一曰有使出外言水事荊州占曰人多瘡疾

黑氣出氐入亢君有疫死

赤氣雲入亢廊廟間有陳兵赤而揚波大人憂大疫

赤氣雲出入居亢氐間廊廟有戰

黃白雲氣入亢有治事 白雲氣入亢有土功

晉惠帝永興元年七月太白犯占曰有大兵人君憂是年有蕩陰之役九月王浚殺幽州刺史和演攻鄴鄴潰於是交頽為衝

康帝建元年十月甲辰月犯亢占曰兵起將軍死亡六月將軍陳達攻壽春敗還七月蜀餘寇反亂益王九月

石季龍謀伐梁州五年征北大將軍褚二襲卒

觀象玩占卷之八終

觀象玩占卷之九

氐宿

總叙

氐四星為天根為天子宿宮休解之居后妃之府一曰天府土星也主皇后妃嬪前二大星主正妃後二小星主左右滕其北二尺為日月五星中道氐又主徭役其星明大則

臣妄奉法人主安天下無汗馬之勞暗小則君失勢臣
妄不度徭動則徭役不時移徙或見則臣妄內亂兵起一
曰氐星動大臣去國

日月變異占

日在氐宿食天子以疫死石氏曰卿相讒人君戒無辜王
后惡之甘氏曰戒在公卿大夫且有相譖誤主使過刑
者又曰人主后有憂一曰內亂

日暈于氐女主自恣臣下有謀甘氏曰大將有殃人多
病死王蕃曰君有女憂

月暈在氏內亂黃帝占曰食在氏中天子憂疾與后妃
惡之或公卿大夫有憂米貴石氏曰大臣死後宮多疾
病荊州占曰治耕之臣有點者一曰內亂

月暈在氏人多病却萌曰不出四十日有治道路之事一
曰水虫多死人不安王蕃曰國君女主皆憂

月以冬三月暈氏有大水天子不安有赦

正月暈氏起兵君憂

武密占日月與歲星同在氏而暈不出四十日有赦令
月在氏而有變皆為宮中有陰謀君后不安

月五星干犯占

月犯氐天子起兵一曰其國有憂有軍在外將死一曰宮
中有事大人女主居宿不安一曰刑政失天下兵飢
天文論曰盜起將君誅水虫多死

海中占曰月犯氐左星左中郎將誅犯右星右中郎
將誅

月入氐中天下大兵起

月乘氐右星天下有大兵起天子自將兵于野

月食氐翳其一星一將死于野一曰月掩氐有陰謀大將死

歲星犯氐石氏曰國無儲君荊州占曰木犯氐左星左中
郎將誅犯右星右中郎將誅若環繞勾已之其國飢君
令不行

木乘氐左星天子自將兵于野乘氐右星天下有大水大
木入氐中不出其年有赦或曰諸侯有入宮者

木逆行氐臣主失職諸侯為王者之事曰其君治其宮室過
木舍氐其國歲熟賤人有疾

木居氐海中占曰五穀以早傷却萌占曰木處氐西歲多
飢傷處氐北有賊戰貴人多疾牛多死其肉殺人處氐

南馬死人多病寒熱

木出入留舍氏石氏曰氏者天庫之星也其國急令其歲則告若環而守之其國以兵致天下

木守氏石氏曰皇后有喜一曰天子立后甘氏曰君有喜守之二十日以上其國大利

巫咸曰木守氏國飢民流人多疾病陳卓曰五穀蝗蟲傷萬物不成

荊州占曰諸侯人君有來入宮者行疾期六十日行遲期百二十日海中占曰有旱天文論曰孽妄有喜歲熟

木出入舍氏武密占曰有急令環繞守之其國以兵致天下
木逆入氏中人主治宮室過度天下大飢

巫咸曰木守氏居其南地動或曰木守氏三十日其地有立王者
木逆行守氏后妃有憂去兩星二尺期一百二十日去之二尺期
六十日與兩星齊期二十日鄰萌曰木逆守氏君不居宮
乙巳占曰木逆犯守氏國大飢人流亡亦為多病失職有兵
熒惑犯氏占曰臣譖上人主憂一曰有內亂后宮有火災

荊州占曰火犯氏左星左中郎將誅死犯右星右中郎將誅
期三年

火入氏甘氏曰天子失其宮入守之留二十日不下有賊臣
在內有反者三十日不下國兵而起逃人主忌之又曰氏天
一子之宮罰星不置入之是謂不祥守之其國君死

石氏曰火入氏留二十日國君有繫餓死者若毒死者

荊州占曰火入氏留二十日天子發兵出戰近期三十日中
六十日遠百日

火逆行氏失地一日多火災一日後宮災火

荊州占曰地動一日大臣謀反入之期事成大守氏有奪
地者又曰強國之臣死王者憂石氏曰大臣亡一日所守之國

君亡守氏成勾已大人惡之

郊萌曰火入天門至氏前進退有伏兵人出無出

甘氏曰熒惑勾已干氏有赦

荊州占曰火守氏已去復還守之其色黃白與兩星齊明
去一尺期六十日二尺期百二十日有赦

巫咸曰火逆行守氏宮中失大

黃帝占曰火與氏合失地百里若出氏環守之強國凶李
淳風曰火退守氏大臣謀反

石氏曰火與木同守氏賊臣為亂

火入氏天子失宮又曰宮中火賊在宮內若留守二十日不去
宮內有賊臣三十日以上其分兵起

火守氏石氏曰大人憂強國當之有繫王餓死若近臣憂非
一國也又曰大國憂天下不安甘氏曰大臣相譖有兵大戰
巫咸曰君有疾兵起其君惡之海中占曰國亂有反臣不
出六十日赦大徧天下歲春早晚水不出其年人相食

郝萌曰有徭役地震守二十日相死西北之夷條國家有

小喪又曰臣謀主

荊州占曰火以秋九月守氏既出之復還守之強國之君

惡之巫咸曰天子坐之石氏曰火守氐去之旬日復還有大
兵起國亡地色前赤黃有奪地死王期一年

火以戌辰歲勾己入氐犯西南星光合者到己巳歲大將誅
天下

火守亢而入氐中三十日大人當之其遠氐者大將病在氐
南行國有小喪在其陽男陰為女

火出入舍氐天下大疾 火入天門至氐前進退人主無出其宮
火乘氐左星天子自將兵于野乘右星天下有大水大兵

鎮星犯氐左星左中郎將誅犯右星右中郎將誅期二年

土入氏中陳卓日期三十日彗星出王邑西南指一曰果實
大賤賤人女暴貴一曰其國有兵喪失地一曰土在氏光
潤明大色黃后有喜

土逆行氏女主不居宮 土乘氏右星天下大水

乘左星天子自將兵于野

土徙倚前後于氏女主左右匪人

土出入留舍於氏用兵期四年更主侯王一曰有亡地之國

土守氏皇后有賀事一曰賤人女有暴貴者宮中有土功
一 事一曰冊立太子有赦令一曰有賤臣為亂石氏曰國有大

賢武氏曰歲安

土星色赤則四夷不服天下疫有裂土之君一日天下隳役
田宅大貴

郝萌曰土守氏色黃潤澤太子有智慧天下安寧變
色則有死君亡國

荊州占曰土守氏奸臣有謀色青其國君死守之八十
日以上其國兵起

土星東行而還守氏皇后太人憂與兩星齊期二十日去
兩星一尺期六十日去之二尺期百二十日

土入氐而守之國有亡城者天下用兵更主侯主不出三年
守之八十日不下野有萬人之聚土入氐中宋有兵喪失
地

太白犯氐左星左中郎將誅犯右星右中郎將誅甘氏曰太
白犯氐天下徭役兵起一月有兵兵罷無兵兵起二日其
分寢有拜將

荊州占曰太白犯氐有芒角有大兵王者亡地期四月

其分
居亡

太白入氐石氏曰霜雪不時 郊萌曰春糴大貴又曰國乱
大人憂人君失地天下大疫有兵

太白入氐而守之兵加其國一曰大人易五星同

太白守氐國有憂變君失之地一曰兵起將軍受封爵六
畜死荊州占曰天下有大喪海中占曰兵起而不行甘
氏曰大臣受賜與兩星齊期三十日有赦

太白乘氐左星天子自將兵于野乘右星天下大水大兵

荊州占曰太白守氐房間大飢六畜死

辰星守氐大水澤沒城闕萬物不成守之八十日兵大起

水犯氐甘氏曰有獄事貴臣憂天下大疫國易政

辰星入氐中負海國大水

水乘氐星天子自將兵于野東右星天下大兵大水五星同客
星流星彗孛于犯占

客星犯氐後宮有乱暴兵起一曰有獻女者一曰婚禮本正
天文論曰其國憂

客星出氐人主有憂病有德令或曰邊邦獻女或曰君有
憂於外國黃帝占曰出氐色黃白與兩星齊期十日有
赦去之一尺期六十日二尺期百二十日

海中占曰有德令荊州占曰布帛倍價又曰麻麥牛
羊貴武密占曰客星守氐五十日不下宮中有刺客

黃帝占曰黑星入氐大水白星守氐廊廟有憂黃星守
氐後宮有喜赤星守氐近臣謀逆人主失位

客星出氐東有白衣之會

客星守氐中天子不安宮女主失生

客星入氐石氏曰棺木貴黃帝占曰日食地震粟貴有
奇令甘曰邊邦有獻女邠曰主有疾復出之疾已陳卓
曰邊城有兵後宮亂兵動五穀不成

黃帝占曰客星入氐色白郎將賜色黃邊邑青黑不死
則黜一曰客星入氐色黑大水其國有改主廊廟有憂

色赤有兵在廟中近臣謀殺貴人

客星入氏中而散人主有疾中外不通馬急行大臣秉權
君失勢

客乘氏左星牛馬大貴

客星逆行乘氏若守之諸侯有坐法誅絕無後者守之
不去客入宮中

逆行貫氏中主奪其勢臣執其權徭役大起

客星見氏有白衣之會

流星入氏天子有疾兵起國有大水一日上卿憂又曰秘閣

有官事

石氏曰飢有疾又曰後宮有喜天下有兵色赤后妃不安

流星春憂入氏大臣貶黜秋冬入氏為水旱

流星觸氏國多媼女抵女多愁女

流星出氏有使出布天子德令

流星大如雞子出氏中西北流不出三年人主憂一日有亡國

彗孛出氏有赦不出百八十日石氏曰天子不安一日有徙宮

有易政一曰天子失德其國有疫未貴兵起

彗孛入氏兵起臣殺其主一日不出百八十日後宮有暴兵

甘氏曰彗孛行入氐中後宮有暴兵動

彗星出犯其地兵起有大赦

孛星于氐天子失德國易政天文錄曰孛出于氐有赦

孛行入氐兵起臣殺主 孛犯氐兖州兵起

孛出氐中如霞狀或如無業木此歲星之精也其占為人疫

武密曰糴貴黃帝占曰臣弑主兵起天下更政一年

荊州占曰天子寢疾宮中乱人大疫疾

雲氣干犯占

雲氣入氐黃白色有土功黑色大水赤色內有兵蒼白色

疫疠大行白色天下疫久不散宮中有女喪

黑氣入氏房間天子遣使於諸侯有口奇令

漢宣帝地節元年正月辛酉熒惑入氏中占曰天子之宮熒惑入之有賊臣後四年霍氏謀反坐誅

順帝永建五年夏熒惑守氏占曰有諸侯有斬者是冬定遠侯班腰斬馬市

晉穆帝永和五年六月癸未月犯氏東北星占曰大將當之七月慕容恪攻冀州刺史呂護于野王護奔洛陽時桓溫以大象次宛間護敗乃退

房宿

總叙

房四星曰天牀總管四方曰天旗曰天市曰天龍曰天倉一曰天表一曰天衝一曰天府水也甘氏曰房為明堂天子布政之宮也石氏曰房為四輔其北上第一星上相也次星次相也次三星次將也南下第四星上將也南二星為君位北二星為夫人位房又為四表中間為天衝大道亦謂之天闕黃道所經日月五星之所行也南二星間為陽環亦曰陽間其南為太陽道北二星間為太陰道亦陰

環其北為太陰道七曜由乎天衢則天平由陽道則多旱
由陰道則多水或兵行而南由太陽道則為大旱為喪
失行而北入大陰道則為大水為兵又日房為天馬亦
曰天駟主車駕其南為左驂次左服北星為右驂次下
者為右服又為天廐主開啟閉蓄藏之所房星均明
則王者明臣奉職天下太平兵車不興星暗則王者不
行臣亂政驂星欲明而不欲其大於中二星則兵起星
離拆則人流星亡則兵大起左驂左服東南右驂右服為
西北房星動外則財寶出動內財寶入

日月變異占

日在房食右氏曰大臣專權人主憂疾病一日大臣有黜者
一曰大臣有謀譖而坐法者

陶隱居云王者昏亂一日憂兵事

日暈于房天下大凶王蕃曰女主凶君失國一日兵起君臣
失位

月在房食石曰王者昏病大臣憂臣專政京房曰天子有喪
郊萌曰人主以病亡一日大臣有黜者一日治耕臣有黜者
月暈于房國兵起于廟堂之中有戰郊萌曰財寶出殺

荊州占日月暈圍房四方兵起暴骨于野其地大疫
水虫多死暈勾三宿有大風小赦勾五宿大赦武氏曰
月在房暈貫箕大風拔水動搖期百日有赦

月變于房車騎滿野 月行房陽環多暴事忝纓不熟
月行陰環多陰事將軍出征

月行四表之南大旱稻粟不成多暴徵驚駭內亂一日有
女主喪君憂河圖帝覽嬉日月行太陽天下亂民心離
月行四表之北陰入將革禍不可克又曰大水有亂臣河圖

日月行大陰天下兵悉起民流亡

凡候水旱專祠月行至房若由中道則特和歲豐若行陽
環小旱行太陽大旱且有喪行陰環小水行太陰大水
且兵又日月行房南一尺多暴獄大旱天下亂民事失
老幼啼哭陽道未窮而死月行房北一尺天子旁有亂
臣陰道未窮而作歲且多雨大水為災臣中謀亂殃
及萬里

月五星干犯占

月犯房上將誅犯上相誅死次相次相誅黃帝占曰天下殃

人主憂一日月犯房有亂臣不出三年臣代君有亡國陳
卓曰兵起亡亦近臣辱將相四足虫多死

荊州占日月乘房左右官有誅宮廟中有伏甲陣兵天
子不可下殿却萌日月中乘房左驂服皆為君死中乘
右驂服皆為夫人死

荊州占日月犯乘凌房星君有憂色赤兵戰青喪黑
將相誅色白大哭

月宿天瓶中央軍罷期三十日月宿房宿稻粟貴

歲星守房有德令甘氏曰天下和平一曰他國有獻馬

者魚鹽貴十倍又曰天下諸侯相謀道不通又曰人主不可不堂一日胡兵發

郗萌曰國無食粟虛又曰大飢人死不葬有大赦荊州占曰木守房王者心平百姓得情一日有反臣死天下易主石氏曰有白衣之會男子盡發其國多禍殃吏民相傷大臣滿道而行又曰五穀熟

黃帝占曰木守房七日不出有死王十五日不出兵大起歲守房而色不明大水災

木犯房將相憂其分有災石氏曰木近房七寸以內有暴貴

火守房已去之復還勾已環繞之國有兵喪諸侯起霸天子失其宮期六月

火守房間直心而留房天下大乱西房殃東房昌

火守房北燕趙凶守房中魯衛凶守房南吳楚凶一日火守房十日勾已臣弑主環繞之

熒惑太白合于房明堂空天下哭

鎮星犯房石氏曰天下相誅荊州占曰土失行至房若犯右服為秦魏左服為楚右驂為齊左驂為趙其分主者死

土死房成勾巳后夫人死

土入房三道天子有子海中占曰土房若犯之有失地之君
其分國有兵女主憂

土入房居其左右有去嫡還庶之事土入房五穀豐

土守房其氏曰旱久守有兵石氏曰天子更起宮室賦役煩
與國多福殃又曰國有女喜

巫咸曰有猷馬者一曰貴人多死一曰地動人疫鄰萌曰
有兵大赦一曰胡兵發大飢天下諸侯相謀道路不通荆
州占曰有反臣大人死國易主土守左國交石氏曰土

臣弑主一日熒惑勾己房主命者凶

熒惑環繞房心往來徘徊宮廷中有伏兵

火于房合車馳人走天子為諸侯所逐

火貫房中央天下兵悉起出其南子災出北女子災其下國飢
火守房大臣作亂天子被圍天下交兵五年石氏曰天下更政
黃帝占曰貴人疾有兵喪居之三日車駕有駕十日不
出崩天子失宮宮中火災不安有易位

石氏曰火守房火近於木子滅其母十日不去國有喪十五
日不去兵大起二十日不去臣弑子殺父民去邦一日陰陽

相剋天下兵大動期不出一年又曰火守大飢人死不塈
良馬出

巫咸曰多火災一日土功動留三十日胡兵發地動兵起

荊州占曰火守房大臣盜國寶兵起于后宗大臣凶秦
燕趙大殃

海中占曰火守房三日鬼火夜行人恐驚多死喪

郊萌曰火以九月守房兵車滿野父子盡給軍事家
無留者

井氏曰火行不由房中道石氏曰不出其年有兵

失位而亡

熒惑犯房則有亡君將相憂后妃有殃視其所中命命之
春秋文耀鉤曰將軍為亂王者惡之

黃帝占曰火犯房芒角怒有大兵改正朔天下俱憂

火中犯凌乘房國君憂色怒芒角大憂青色疾疫色白為
死喪黑色將相而誅赤色則有流血積死

熒惑犯房國君有憂色青為喪色赤兵起積屍如山色白
有水災色黑將相謀死又曰火犯房亡君之戒或曰將
軍亂國王者惡之

黃帝占曰熒惑色怒犯房兵改正朔奉趙燕代俱有憂
后妃有殃視其所中命之

火入房大臣有反者期六十日天子憂兵起宮中一日有白衣
之會一日馬貴出之則還錢地動有大赦一日將相憂都
萌曰臣殺君

火入房三道天子有子一日火入房出其北主憂出南臣憂
出其中道而留禾子喪期九十日若一百伍十日天下大赦
火行房南道旱若守之喪行北道為水若守之為兵

火逆行于房宮中失火一日地動逆行成勾己其國有反兵

者不出八十日荊州占曰王政失近臣叛木犯房豫州
有災又曰木去三寸王失政臣叛

木入房天子有子一日有更令荊州占曰五穀熟天下安一
曰大將受封

木經房南而犯守之大旱由房北犯守之大水

木出房東行而復還守之若環繞勾已之天子惡之一曰
后夫人有喪

木與房合却萌曰有兵戰有白衣之會一日木與房北星
合大水與南星大旱

木舍房色黑不明有大水有喪

木舍房南五穀旱傷民多寒熱病舍北多雨五穀水傷
牛馬多死其肉殺人舍房馬多死舍兩民流

木星不田天衢王者不居明堂

木中犯乘凌房國君憂色青為喪赤兵黑將相誅白有
芒大哭

木星順行留房中道其色明潤而無所犯人主將相俱有
喜人和歲豐王道大行守之愈久國祚愈長

木逆行犯守乘凌房以其所中命之又曰臣有陰謀天子

守房宿右天下多鰥夫寡婦

土守房左右去復還庶子秉國

土逆行于房成勾已女主息恣若淫泆鄰萌曰土逆行守房女主于政若逆行秉守左右驂主崩臣有陰謀逆行秉凌中道天子失位而亡

土失行至房天子出入不時一日有誅殺

土中犯凌秉房左驂左服其君死所中將誅中死秉凌右驂右服后夫人死所中相誅一日土星中犯秉凌房皆君憂以色占之

太白守房臣協君土功大興國乱布帛貴久守之大飢

國易

黃帝占曰國有大喪大臣有戰死者石氏曰良馬出
廐兵車滿野中國有殃王者失位期二年巫咸曰國有
更令相作乱兵四野又曰旱多火災五穀萬物不成郊
萌曰有奸謀人主無下堂荊州占曰天下馬多有反臣
六畜多死石氏曰太白守房左右復還去其國有廢立
太子

太白守房右去復還臣盜主命黃帝占曰太白守房南

早天子有良輔守房北水天子有良友

太白逆行守房天下相誅多死喪

郗萌曰太白逆行犯房成勾已大臣憂一日天子忌之

太白中犯凌乘房四夷起謀中國有憂李荃曰有兵戰

一日將軍誅牛馬疫一日天子憂色青喪色赤有兵赤

而芒角積骨成山黑色將相誅赤黑同白大喪太白

犯天下相謀

太白出入留舍于房霜雨不時五穀不成人飢馬牛多死

辰星入房三道天子有子八十日成勾已天子忌之

水守房甘氏曰奸臣謀主大臣相譖暴誅臣佐天下乖離
却萌曰人多暴死一日良馬出廐天下道不通一日天下
大水一日諸侯相誅有易王友反臣有大喪石氏曰兵
起將劫掠一日胡兵發一日白衣會一日馬貴

水逆行守房天子中毒宮人食糟糖

水守房東去而復還成句已后夫人死一日大飢人相食死不
葬大水兵起

辰星犯房馬大貴一日有敕殺貴人飢奸臣有謀天下相
誅一日大臣謀以其所中命受誅者一日將相作乱又

曰天下水兵起

辰星中犯秉凌房左右驛若左右服皆為人主崩臣有陰謀所中將相被誅逆行則天子失位而亡一曰凡辰星中犯房皆為國君憂以其色命所憂者五星同然

辰星入守房心之間地大動

辰星入房而成勾已大人忌之宜解以赦海中占曰水入房人民有漂流死者又曰馬貴

客星流星彗孛干犯占

客星守房甘氏曰王國空兵人飢骨肉相殘

客星出房郄萌曰寶出又曰近臣謀主若誅死期一年荊州
占曰青星入房而散人主馬牛奔散郄萌曰

客星出房表北大水表南大旱出其中道馬貴

黃帝占曰客星入房守之在陽為早為喪為飢在陰
為兵為飢為水

客星入房米貴人相食多流移石氏曰諸侯有獻馬者郄萌
曰大臣為逆天下有急令亦曰更令荊州占曰有德令有
賊臣兵起天下大喪郄萌曰客星入天廡中三日有赦一
曰馬貴出之即賤名寶有入者

白星入房下北門有攻戰排門者在近臣期百二十日

赤星入房馬貴國被圍天文論曰客星入房歷陽道旱歷
陰道水若入房左右服有獻馬者若出之人君以馬賜
諸侯

客星入房而守之臣弑

客星守房米貴十倍一日宮中有謀逆臣為逆一日有急令
馬疫一日人主以馬為憂

客星舍房左右群臣奪爵邑者一日飲藥死者

客星出房心間地動出而入心臣謀上君暴死期一年

流星出房天子有使出賑飢一日流星出房左右服天子遣使之諸侯以馬為獎

流星入房天子殺忠臣 流星如蛇曲行入房臣為逆輔臣亡
流星抵房外國有貢異獸名馬者一日宰相出鎮一日其國
君死 流星衝房水災

流星犯房將相有點者天文論曰流星春夏犯房土官憂
土功與秋冬犯房相流人

彗孛出房天子失德諸侯舉兵其氏曰天下水旱人民飢
死鄰萌曰兵戰不止蜚虫交下一曰山崩天子宫中火

天下有喪戴麻紛紛天子亡

彗字犯房若貫之王者宮中有大兵亂石氏曰人亂國危
天下相殘有亡國

彗字干房名山崩有亡國尚書中官侯曰中邪災一曰國
空民飢兵起

雲氣干犯占

雲氣入房赤黃潤澤名寶出入房國寶有出者

黃雲氣入房外國入貢

黑雲氣出房宮中有憂

赤雲氣入房宮中內亂大兵起

赤雲氣狀如人入房后有娠不然姦事起

赤雲氣如波揚入房宮中火災兵起廟庭

紅雲氣入房諸侯王多死期三年

蒼白雲氣入房將相憂

黑雲氣入房有使來言口令之事且有大水

白雲氣入大道入房委蛇入漢國有大水兵起宮中人民流

亡餒死路傍骸不收不過二年帝主崩婦人傭客不還

雲氣如帶經角間入房閤門閉經之兵起三經之天下不通

漢明帝永平十六年正月丁丑歲星犯房右驂第一星不見辛巳乃見占曰房右驂為貴臣歲星犯之為見誅其後司徒刑穆作與阜陵王延交通知逆謀自殺

和帝永元五年火犯房北第一星占曰為將相六年正月司徒丁鴻薨

晉惠帝光熙元年九月己亥鎮星守房心占曰鎮星守房多禍喪國內亂天下赦是時司馬越專權終以破滅十一月帝崩

懷帝即位大赦天下

觀象玩占卷之九終

觀象玩占卷之十

心宿

總叙

心三星曰大火亦曰大司空一曰天相火星也心為明堂中
央火星天王正位也其北四尺為日月五星中道前星
為太子後星為庶子天下變動則心星見其不祥贊曰
心為天王故置積卒以為衛

心者木中火故其色赤 心為天之閤梁中央大星欽

赤明則天子明德服天下

暗小青黑則天子微弱不能斷制

星不欲直則天子失計

心主天下賞罰故天下有變則心星見其不祥

三星欲其俱明前後星不欲過其中星而後星又不欲

過其前星前星明過中星則太子踐位後星明過前星

庶子奪嫡子前星暗小則太子憂後星暗小庶子憂

心星搖動則國有憂 芒角天下有兵

離徙則民流亡散 失色則人主太子俱憂色黑則國有

死喪 暗小不見則江河為害期九年天子戒

旁多小星則天子垂爭人主戒令不出宮

一日心星宜則地動人主失勢強國兵起以弱亡

後星為庶子亦為親密大臣之位動徭則庶子大臣死

日月變異占

日食心食兵喪並起耳氏曰君臣不相信政令乖錯將相
有相疑者戒三公九卿刑罰不中石氏曰臣謀叛武氏曰
國易政令二十一人主惡之亦為白衣之會

日暈于心國易政人飢兵起國有大喪有廢主之事

日在心宿有虹蜺殃于心人飢兵起國有大喪有叛臣

月在心食石氏曰人主惡之太子庶子俱有憂三公有死者
憂都萌曰臣伐其主內亂荊州占曰大臣有黜者海中占
曰國有兵喪一日庶子有災太子失位

月暈于心石氏曰有大戰大水出崩谷塞一日國有火災海
中占曰人主有殃一日大旱荊州占曰主憂將死又曰有兵
三十日罷無兵三十日起石氏曰豆粟大貴天文錄曰四
足虫為害都萌曰月暈在心三日不風不雨不出三十日
有大喪有奇令

月以正暈心蚤蘭園心將易主死赤地千里

月一歲再暈有大火大旱將舉兵國易政相期二年

月暈心五重女主死

月暈心三重赤雲貫之國有喪戮候王

月園心暈中有赤若白雲如杵貫月大人當之有大兵起

月變于心人主憂兵在外大將憂無兵則太子有事天子失

計於刑罰

月五星于妃占

月犯心其國大臣憂有大喪都萌日大人憂海中占日月犯

心中星天子惡之宮中有亂乙巳占曰有內亂宮中有
逆臣

石氏曰月犯心大星國人為亂人主遇賊人又曰女勢行
臣弑君犯前星天子不立憂賊臣有亡國後星庶子惡
之

月以六月辛酉犯心國君亡

月乘心石氏曰其國相死出心北其國旱火焚宮廟出心南
其國將相兵起一曰月乘心大人凶天下大旱萬民少備火
月行掩心三星俱翳國內亂賊臣兵起大將死大飢天子

皆有憂

月行心宿而翳霧大水山崩谷塞

歲星中犯凌乘心大星天子惡之前星大子凶後星庶子
凶一日木中犯凌乘心宿有亂其氏曰臣謀主若旱劫
吳春秋米貴 夏冬米賤若守之六十日不下國有急令却
萌曰大人憂近期十月遠期三年一日有亡國人主太子
俱憂巫咸曰戰不乘將死一日天下旱多火災一日
大臣災海中占曰木犯心中星王者絕嗣石氏曰木
近心七寸以內有暴貴者不出百八十日

木乘心石氏曰其國大人憂相死出其北為旱火焚宗廟
出其南兵起

木經其色潤澤光明烈照不失軌道天下和平人主壽昌
木行心不由正道王者不居明堂

木入心郊萌曰天下諸侯有慶賀事

木居心海中占曰色赤五穀以旱傷其明潤王者有福人
和歲豐賢人進用色黑不明有喪

木出入留舍于心有德令歲熟若惡色不明有喪兵起
春夏米貴秋冬平二十日不下則兵大起負海之

國大敗

木守心石氏曰年豐天子有慶賜巫咸曰有火災鄰萌
曰貴人多病一曰五穀萬不成

荊州占曰木守心七十日以上陰陽和四夷服一曰木守
心東南馬多死其肉殺人木守心北牛多死其肉殺人

木逆行心若還統勾己之大人忌之海中占曰木逆行犯
守心君不重明堂賊臣謀逆主宮內亂天子易權在
臣之得勢者

熒惑犯心君臣皆憂王者戰不勝大將聞死一曰人主亡

海中占曰王者絕嗣貴人有惡死却萌曰則有反臣
有死君民流亡巫咸曰萬物不成土功異民憂火災犯
太子憂犯庶子憂火乘心石氏曰其國相死

火入心大人反天子憂入前後星太子庶子憂兵起相死于野

火守心石氏曰主易政不居其宮又曰有血流其國兵悉

出天下人死大半大旱布帛大貴一日有逆臣又曰將為

亂甘氏曰大臣為變天下諸候並起巫咸曰萬物不成

土功異大水災海中占曰天下哭聲吟吟君之三月國有

殃五月受兵十月國亡人流却萌曰天下兵起天子兵破

玄冥占曰大飢人相食國主死天下大潰海中占曰火
守南為水在北旱

却萌曰火守心南有男喪守北有女喪又曰火以十月守心
北不出其年國有大喪又曰火以十月守期六十日有辱
主一日火守心上下星是謂侵陽幸臣驕乘有事

火守心已去之復環守之有大赦一日主命者凶甘氏曰

熒惑守心勾已復環繞之天子其宮石氏曰大臣反大將
戰死以攻不勝

火守心色怒赤芒角天子廷中有伏兵色黑有水兵事不

成而敗伏其辜一曰火守心色赤兵起青有喪在心東為
齊魯在心西為秦晉在中為周宋在南為楚在北為
燕趙又曰火守心色赤臣謀主兵起色白謀臣有賜爵
者色青大人憂色黑天子兵在外敗

火逆行而西守心石氏曰為憂為旱為國有兵起國易政
有反臣王者惡之

郝萌曰為旱有火災地震守之二十日大臣作乱哭泣
吟吟

火舍心石氏曰天下大兵色黑為喪乙巳占曰大人

後旋天
下兵

火守留心近臣為亂晉二十日主病留三十日病困

火貫心天下大飢

火與心合主死不則出走又曰天子易

火與心闕天子有暴喪

火芒角起如鋒辨磨心以行天子宮廷有陳兵

火中凌犯秉守心明堂巫咸曰大臣當之在陽為燕在陰為胡一日有火異又為旱

火逆行心正宮內亂臣下謀易主權在宗臣得勢者

鎮星犯心天子絕嗣其年萬物不成犯大子不立犯庶子

庶子憂

土犯乘心其國相死一曰有大赦

土掩食心天子國后有憂

土中犯凌乘心為內亂臣欲弑主一曰有失之君期十月遠
二年

荊州占曰大人凶東官候曰萬民僭火巫咸曰天子兵
敗將軍戰死一曰早

石氏曰當之乙巳占曰天下大赦

土入心穀天子大臣有喜

土經心行正道光明潤澤照人見影天下同心人主壽昌
土居心黃帝占曰人主任賢天下有慶至咸曰君明臣良
却萌曰和氣應五穀熟

土出入留舍心二十日不下有德令三十日不下有名人死四十
日不下其空民亡

土守心石氏曰聖帝出臣伐主天子亡國有赦又守之有水
且旱一曰有火災萬物不成一曰國相死一曰義士名烈節
傭夫立義一曰天子庶子出

土守心色赤黃光明吉色黃無故色赤兵起其國內亂土

功與民多病色青黑大飢赤黑天子謀不利主

土逆行於心女主干政若犯中心星天子惡之

土逆行守心若勾已環繞之其國內亂天子忌之海中

占曰天子宫中有賊臣謀易主

太白守心大飢一曰宮內有兵起王者慎之黃帝占曰

天下有火惟國有大喪一曰多虫

巫咸曰君弱臣強有逆臣石氏曰國有殃兵車滿野

有軍在外客軍大敗一曰天下人多死喪其年蝗虫敗

穀

海中占曰不出一年貴臣左右有大兵却萌曰天子亡財大臣死一曰太白守心哭聲吟、若逃守之軍中大飢大臣亡

太白犯心為喪甘氏曰天子親征將軍亡劍戟上殿群臣逃海中占曰天子絕嗣犯太子太子不立犯庶子庶子憂却萌曰太白犯食心左星女主失勢太子不死則去

荊州占曰君后走藏一曰穀貴

太白舍心色黑不明則有喪

金逆行守心國有大喪大臣憂天下多死人有軍在逃客
軍大敗

金逆行守心環繞勾已之大人憂李荃曰有大戰天子將
死軍敗

太白中犯凌乘心為旱天下多火災一日相為乱兵四起
大臣憂

太白出入留舍心三十日不下國兵大起

辰星中犯凌乘心大人惡之在陽為燕在陰為胡不則大
而地動者環繞勾已則其禍成

辰心犯心或乘之海中占曰民去其鄉大雨不可甘當氏
曰水旱俱作甲兵太動石氏曰辰星犯心水滅其火三
日不去憂臣戮百川大溢一日犯心星王者絕嗣犯前
星太子憂犯后星庶子憂

水守布帛貴石氏曰占與犯同巫咸曰徭役煩賦歛重民
不堪命又曰有火災多賊盜武氏曰王政失紀民人交
惡大臣受戮天下易主一日臣謀其主辰星在陽為
熱在陰為胡一日水中心大人以外兵死色赤為火旱
兵色黑大水且喪

水舍心色不明有喪

水逆行犯心天子中毒死宮內食糟糠一日賊臣為亂天子有憂

客星流星彗孛干犯占

客星出心石氏曰君遣使于諸侯以色赤言兵白言義黃言土功青主憂黑凶甘氏曰天下大旱兵起國易政期三年鄰萌曰客星出心左右或上下有祗罪而走者色黃白無事青黑死赤以兵隨之

客星入心石氏曰諸侯有使來以五色占何事以所起

占何用憂氏曰占則有德今日相有憂疾甘氏曰
赤星入心留回之天子以兵死郅萌曰客星入心十日
勾成已有天赦

黃白星入心天子有喜入右星太子受賜入左星庶子
受賜

黑星入心近臣謀主 赤星入心兵起宮中入右星太子
起兵入左星庶子起兵

青黑星入心天子憂入右星太子憂入左星庶子憂
赤星大怒如桎孟赤如雞冠入心中人主遇賊其出心也

行道最遠人主戕于千里之外

青黑如珠入心中主遇盜期年中

客星犯秉心大旱天下慎火一曰人主以宮室臺榭廢政

一曰米貴人飢兵起臣叛大人憂國易政

客星犯心而寸之石氏曰宮鐘大鳴劒戟交橫大臣相

疑天下舉兵近期七日中七十日遠百八十日

客星舍心兵起都萌曰心上有星去心一尺所有中謀心下

有星去心一尺所有外謀星多人多星少人少上下俱

有星中外俱有謀星遠人遠星近人近期百日中期

遠一年

客星逆行掩滅心星宮內亂有賊臣謀易主者

客星守心黃帝占曰不過三旬有善令巫咸曰粟貴人飢
兵起有奸臣鄰萌曰土功興有大人喪天下人病或
曰其國亡又曰蜚蝗大起人流亡有反者春秋聖人
符曰客星守心五十日不出兵大起國有喪米貴十倍
流星入心不出其年國有大喪一日臣弑主不出三年天
文論曰外國有使來也亦有兵黃有喜白義青憂

黑凶

流星入房心天子遇盜

流星自外入心宿分遠國使來星為大國使小為小國使
流星出心大臣出使以五色占之

流星犯心兵起宮中一日大臣相賊夫人憂視其所中

流星春憂犯心有火災

彗孛犯心大臣相疑有戮死者武密曰兵起宮中劒戟交

錯近期十七日遠期一百八十日一日彗孛犯心天下披甲

彗孛出心是謂天地謀易天下主黃帝占曰天下相射夷

狄勝中國敗臣為君一日天子死德令不下蝗虫作五

穀傷人流亡期一年遠十年

彗孛入心有大喪太子不立石氏曰大臣作乱一日兵起宮中血流廟庭大臣相伐天下披甲近期七日中期七十日遠期百八十日

雲氣干犯占

雲氣出心青色天子使人有賜于諸侯赤色兵起將出赤黃氣出心主就國

黑雲氣入心天子憂入左星庶子憂入右星太子憂一日黑氣入心右星庶子受賜祿

白氣入心天子左右臣作乱兵起 白氣入心左星太子受賜

赤氣入心有立王 赤氣出心南行天子左右有亡去者

赤雲氣如鋒銳正刺心天子憂

蒼白氣入心中星天子憂前後亦然

黃氣入心天子有子孫喜入右星太子喜

黃白雲潤澤如匹布正抵心下外國有來歸者

赤氣狀如彗帚色赤如血入心天子遇賊出心天子有殺伐

若出遠則殺伐人放千里之外

秦始皇帝時熒惑守心反天市芒角色赤如雞冠始皇既

死嫡庶相殺二世即位殘骨肉戮將相秦國遂亡

漢高帝十三年春熒惑守心四月宮車晏駕

成帝陽朔元年七月壬子月犯心星占曰其國有憂若有
大喪宋心為宋令十二月楚王友薨

成帝綏和二年春熒惑守心二月己丑丞相方進欲塞災
異自殺三月丙戌宮車晏駕

安帝永初元年五月戊寅熒惑逆行守心前星占曰為臣
反時帝未臨朝鄧太后攝政司空周章謀閉宮門廢
太后及帝事覺自殺

又三年正月庚戌月犯心後星占曰不利其子心為宋五

月丁酉沛王牙薨

桓帝永壽三年七月丁丑太白犯心前星占曰為大臣後
一年大將梁冀使太倉令秦宮刺殺議郎邴尊又欲
殺鄧后母宣夫人事覺將印綬自殺諸梁及冀妻
孫壽宗族皆從邊

靈帝光和三年四月熒惑逆行守心後星十月戊午日食
心後星占曰為大喪三年帝崩

又中平六年八月丙寅太白犯心前星戊辰犯心中火
星其日未冥四刻諸黃門殺大將軍進何於省中巳

車騎將軍何苗為部將吳匡所殺

晉世祖武皇帝太康八年三月熒惑守心占曰王者惡之太
熙元年四月乙酉帝崩康玄宗天寶十四年五月熒惑守
心五十餘日占曰王者去其宮明年安祿山反帝出奔蜀
尾宿

總叙

尾九星蒼龍尾也一日天雞一日折木一日天狗一日風后一日
天廟一日大司空一日龍獵一日九子水星也尾為後宮后
妃之府其北十二尺為日月五星中道其上第一星主后次

三星主夫人又次三星主九嬪次二星主媵妾其第二星又
為后族旁一小星相去一寸曰神宮天子解衣之內室也尾
又主八風箕尾之間謂之九江口故尾星又曰九江主水九
江欲其均明大小相承則後有序后妃不妬忌天子多子孫
微暗則后有憂疾動則后妃不和騰躍擢折絕不居其
所則臣乖天下亂有旱灾就聚則有大水直則皇后
失勢大小不齊則庶妄勝奪嫡一曰蒼龍之尾陰陽之
所交雲風之所興也主禁密祭祀蒔養之事星明則
五穀成熟不明五穀太傷

日月變異占

日在尾食后有憂甘氏曰有疾風發屋拆木主戒出入李
淳風曰日食在尾大風飛砂天文論曰有兵喪將死一
曰貴臣死又有刑者武氏曰後宮有憂燕地向飢北夷
侵境

日暈于尾陰國弱或曰將相憂巫咸曰女主喪

月在尾食御乘人有黜者甘氏曰后族若御妾有坐法
者一曰貴臣犯法乙巳占曰君族有刑者武密曰女主惡之
月暈尾其分益地有疾疫荊州占曰后妃有廢都萌曰歲

不登不出其年有赦武密曰女主死不死則病

月暈心尾無骨及四足虫為害國易政山崩麥貴

月暈尾箕分疾民多病寒熱大風至有大水

月在尾有變後宮不安一日後宮有不才子在宮中王蕃

曰女主乱政虹蜺背袂將相有憂

月五星干犯占

月犯尾將相有憂君臣不和郗萌曰貴戚有憂者其國

有軍在外則將相死一日後宮有爭人主有不令子在宮中

歲星入尾石氏曰天下諸侯有慶賀事期九十日坐咸日王

者立太子后宫有賜若后族有升顯者東宮侯曰
妾為嫡臣專政災禍由起乙巳占曰有易后太子不
出百八十日

木入尾而守之巫咸曰人君以嬪為后政在宮中一日政在臣下
木入尾旱巫咸曰多大災河圖祕徵曰臣謀逆兵起車馬
出石氏曰民為變大臣反逆乱從大將家起一日宮有讒
諛之臣急黜之一曰谷貴天子欲封寵后族

却萌曰天下牢開大赦一日歲多妖后有恐守之三十日以
上天子后生太子

木逆行尾宿天子淫泆 木守尾逆行成勾巳女主夫人死

木舍尾處其東馬多死處其牛多死肉皆殺人處其西傷

谷處其南民熱一曰政急曰

木處尾旁旱水 木犯尾穀貴女主夫人惡之視其所中

木乘尾民乏食

木留守凌乘中犯尾后夫人有以珠玉簪珥惑天子者謬

誣大起貴臣誅死宮人出走宮中太乱兵起宮門

木出入留舍尾其國當以義致天下尾者燕星也留三十

日不下有大水留五十日不下其國大臣有出亡者

熒惑入尾三月客兵聚都萌曰宮中有讒臣石氏曰天下
藏兵荊州占曰縑帛貴將相人民離其城東官侯曰後
宮有憂女主惡之曰幸臣亂宮

火留尾箕臣下淫亂武密曰后妃災都萌曰宮人相惡
讒言與皇后憂

火入尾箕都萌曰九州當其禍以其入日辰占甲乙日為東
方丙丁為南方戊己日為中庚辛日為西方壬癸日為北方
火中犯凌乘尾皆為天下有兵大戰一曰后妃人忌之視其

所中言災

火逆行尾宿後宮失火天下有大人荆曰占曰君淫佚

火逆守尾兵起車騎聚于野宮中內亂國易政

火繞尾蹠^知蹠不去人君以妾為妻

火出入留舍尾齊伯曰其國且無人兵雖起不用土功

吳留二十日有火災

火舍尾居其陽吉居其陰國有憂

火留守尾石氏曰歲多妖祥甘氏曰有恐民為交易國

政兵殆動

巫咸曰天下大飢人相食郗萌曰牛馬多死蒿萊大貴

一日君蒞臣強下凌欺上一日臣謀主后宮干政民多
死喪天下士卒行一日大臣作亂有反逆大將家起一日
宮中有匿妃妾有譖后者若光相及女主凶

荊州占曰火守九江赤地千里穀貴民流布貴藥材倍
貴三公九卿為奸大將犯一日有大水

火與水星同在尾箕有赦天下牢開

火與土星同在尾大將出征盜米而貴

鎮星守尾色黃後宮有喜石氏曰禽獸多暴于民玄冥

占曰後夫人有喜一日天子立后至咸日兵起海中占曰

高田不得食下田荒人大飢鄰萌曰大臣誅

土守尾芒角動搖天下更主易政人不安居

土逆行入尾妻為女主一日女主不居其宮女多以色進者
土出入留舍尾大將出師魚鹽大貴

土犯尾國多賊盜石氏曰天下旱人飢兵起乙巳占曰女主
后妃夫人惡之

土入尾人飢兵起

太白犯尾民為災國易政一日女主憂天下飢國乏糧

金守尾甘氏曰宮人有犯罪者巫咸曰有乱多水災五穀

不成一日宮中有罪者為亂

郅萌曰蝗虫大作軍無糧士卒滿道不行一日金尾近女去遠女主死 巫咸曰太后去宮人多死之

太白出入留舍尾兵起于野一日米貴其歲仍荒

太白逆行中犯凌乘守尾如后有珠王惑天子者諛誣大起后與相受誅宮出走兵起宮門因于犯妾

太白抵尾人主惡之

太白入尾大臣兵起人民受殃石氏曰兵起西方一日近臣

為亂

太白入尾而守之兵起民多妖言期三年

太白失行入尾或犯之不有破軍必有屠城

辰星入尾天下大水江河決溢魚鹽貴三倍米貴萬物
不咸

水星守尾大人女主惡之一曰天下大飢人相食民雜其

土君子賣衣小人賣兒又曰后妃亂執政得事有水災

多疾病一曰后宮有得罪者一曰用事者殃則有大敵

海中占曰兵起事成下淺易貴

水星中犯凌乘逆行尾占同太白

客星流星彗孛干犯占

客星入尾甘氏曰天下飢人相食流徙他鄉疾病死亡男
不得耕女不得桑一曰宮中憂之春秋聖洽符曰大小
石氏曰北夷大飢來降又曰國多土功有尾之獸大災
一曰多風雨宮人灾皇后去其宮賤女有暴貴者
石氏曰蒼星入尾故臣有從他國來使者

客星入尾歲多大風雨水為災一曰後宮有憂一曰君使
人于諸侯陳卓曰兵革罷蔽天下大飢

黃帝占曰天下人民多死客星守尾賤女入宮

客星歷尾下賤暴貴

流星出尾君臣相伐色青黑臣有逆者

流星入尾后妃有憂一曰有黜者一曰賤女暴貴一曰色青

黑故臣有歸國者前赤後白人主死將軍行從酉至

昏期十日從至人定期九十日

流星犯衝尾后妃有貶黜春夏犯後宮口舌起秋冬犯

有妖言者被誅一曰佞臣受誅

流星抵尾后妃死天子不安

彗孛出尾歲多惡風暴雨有土功天下大水飢后相貴

臣皆有憂

彗索入尾后妃有以珠玉簪珥惑天子而起讒誣者后與相皆有殃兵起宮中貴人誅國易政土功大興期百八十日犯之同占

天舌動則有大風不出三日

雲氣干犯占

青雲氣入尾故臣有來歸者出尾故臣有死者

白雲氣入尾故臣有謀來歸而受誅者

黑雲氣入尾故臣有來歸骸骨者

赤黃氣入尾有使來言兵事

黑氣入尾人民流亡 青氣出尾臣有亂

赤黃氣出尾君遣使于諸侯言兵事

晉惠帝永興元年七月太白犯尾箕占曰女主憂又曰
天下大亂是時劉淵石勒李雄等並起跨有州郡皇
后羊氏數被廢黜

箕宿

總叙

箕四星曰天津一曰天漢主津梁一曰風口一曰風星主八

風一曰孤星主孤格一曰天雞主時亦曰天轉金星也
又為女相主口舌又曰天后後宮之別府也其北六尺
為日月五星中道又主蚩夷戎貊四夷將動必占於箕
箕星明大五谷蕃熟諛諛不用四夷未庭暗小不明則
君遠臣亂四夷不服内外有畔搖動則蚩夷有使來
踈并則大風為災且有口舌相殺事徙則人流亡君失
地蹴聚細微則歲凶粟貴其中小星少亦如之移入
河則歲大惡中河而居則人食箕前二星謂之天
舌動則大風不出三日

日月變異占

日在箕食有疾風發屋折木大臣諛佞忠臣有誅者
日暈于箕大風為敗

日在箕食大風為災都萌日車騎發陳卓日人相食
一曰君族有刑者御妻有安生女主憂一曰為飢為兵

月暈于箕五穀以風傷都萌日月暈圍箕司空不出百
里必有守倉求食者以千計之荊州占曰若大風發屋
有坐口舌死者又曰北夷燕趙皆大飢又日月暈箕歲
星在其中王者納之妃妻不出一百八十日

月在箕有變後宮政教失妃嬪乖怨有暴風

月失行於箕風大起

月五星干犯占

月入箕粟大貴天下旱饑死過半人君暴雪致令不平
民失其所石氏曰後宮干政大風為災都萌曰國有
亂君死有赦

月在箕踵期三十日 在箕曰六十日有赦

月犯箕將軍死又曰女主惡之亦為大風之災有讒臣君
臣不和女主憂都萌曰其國有兵將死

歲星守箕甘氏曰宮中有口舌事多惡風歲旱飢人相食
都萌曰貴人多病死又曰歲有大水多土功又曰大人衛
守又曰木守箕東歲飢在南旱在水在西大飢東官
侯曰木守箕七以上去之七尺以內貴女有遷徙者

木犯箕歲多惡風五粟貴都萌曰女主宮中有憂天下
大赦乙巳曰木守犯箕天下旱人相食餓死者過半
凡木星中犯凌乘箕皆為惡風

木入箕石氏天下亂 凡箕中有一星民莫處其室
春秋緯曰木入箕若犯之兵大起

郊萌曰木入箕糴價三倍又曰宮中有口舌荊州占曰
歲不熟盜起多聞死

巫咸曰木入箕中伺其出日為數之期二十日兵發又曰
以其始入日數之率一日期十日兵罷 五星同

李淳風曰歲在箕躔五穀熟

又曰歲在箕行疾宮中口舌起守犯凌乘皆為惡風
木居箕多旱居箕躔則歲熟

木出入留舍箕若守之六十日不去其國以武致天下箕燕
星也

木之箕其年多風

太逆行箕君淫佚

夢惑犯箕后妃有憂鄰萌日天下國相繫男不得耕女不得織牛馬大死

火乘箕牛馬死北夷大飢來降

火入箕中天下大亂民莫居其室春秋緯曰兵起主失位荊州占曰後族有口舌事期六月一日倉粟發一日盜大起人多聞死又曰歲凶人多饑乙巳占曰火入箕天下大旱穀大貴人多死

又曰火起箕中若守之天下兵起吏人相攻士卒半死

民流亡不居其鄉又曰國失地

火守箕燕王病大赦一曰有內變兵起荊州占曰有火災
李淳風曰人主惡之一曰地動 郗萌曰國政急人多病死
火逆行守箕諸侯相謀 若環繞勾已大臣誅

火守之天下兵起夷卒相攻人民流亡其國失地

火守箕石氏曰人主惡之郗萌曰有大赦黃帝占曰火守
箕左歲惡天下勞其分君有疾國有內亂

甘氏曰火守箕天下大飢

火守之及環繞成勾已大臣誅有水且旱平澤溢如海孝

經援神契曰火守箕多土功霜雨不時春秋文曜句曰
主恐其國更市又曰人主自恣天下分離臣子各自為
謀 却萌曰貴臣亂國有淫事政急地動

守之三月彗星出荊州占曰太守箕有大淫事九卿
當之又曰胡貉有憂

又曰火守箕前國惡守箕後糴貴五倍

火以十月守箕天下大赦海中占曰是謂火入水萬民飢
死粟貴三倍

火舍箕却萌曰用事者坐之又曰熒惑舍司空三十日

車大出馬牛大死藹太貴又曰後宮干政君有憂
一日臣下淫亂

火出入留舍箕天下有兵吏民相攻國失地

火留上箕口中有兵兵罷無兵兵起吏民相攻人其
其卿宮中相讒內外皆亂

火入箕去復還守之巫咸曰大臣亂國土功與貴人死大
水道不通天下大飢

鎮星守箕水災萬物不成人民飢死久守兵死末貴人
流有赦石氏曰后妃夫人有喜若立后一日王者陵

發后宮有亂一日多雨蚩有空國有死王客水至海中占曰有大喪土功興一日人主有謀

土犯箕女主憂有赦春秋緯曰天下大亂兵大起

巫咸曰石氏荊州占曰皆同木星

土出箕石氏曰穀大貴天下飢旱死過半

土出入留舍箕其年多蝗蚩留之九十日人流亡兵大起期一年

東官候曰小人為政有空國有犯王客水至人飢國亂亡

土舍箕角動色黑有土功色赤大兵起色青兩軍相當

先起者敗中起者昌後起者亡

太白犯箕石氏曰天下大飢郗萌曰女主憂一日王者亡地
一曰後宮有喜

金守箕兵起有赦更立主人久守旱有大風國內亂兵
起巫咸曰多土功民疾疫海中占曰天下有兵若角動天
下無所定

郗萌曰歲多水萬物不成米貴天子德令不行執
法者為亂大人衛守

金守箕曰民多誹謗

太白入箕荊州占曰人主自備下有兵

巫咸曰石氏占同歲星鄰萌曰天下有兵戰又曰有赦
出之未貴君有土功

太白出入留舍箕五十日不去甘氏曰天下大恐多蝗不入
燕國其以義政天下

太白逆行箕成勾巳石氏曰大臣為亂兵起天下憂人主當之期年
金火相隨而變火舍天門西金舍天津中人主出門若之遠客
辰星守箕五穀少收一日其歲火災女主憂一日大旱多火
災萬物不成一日中國有大兵執政者當之一日有惡
風陳卓曰河水溢有赦

乙巳占曰水守箕七日以內災禍起若有疾風解之則消
水守箕角動色黑貴臣相戮亦曰有戰死者

水入箕天下米貴十倍人流他鄉死者大莖二日大人當之人
主憂害則有大赦

巫咸曰占同木星出之穀大貴天下大飢旱死過半
水入箕色赤則有內亂大風為災

水中犯凌乘箕大水江河決溢兵起有大赦歲多惡風

客星流星彗孛干犯占

客星入箕宮人出民飢大臣有弃損者一日客星入箕南

則旱出箕北水

客星入箕天下大飢人相食民多死徒奔國多土功曰北夷
大飢來降 荊州占曰暴風雨宮中不安一日棺木貴

客星守箕工後大興秋多水災石氏曰天下飢色赤為兵
客星舍箕秋多水乘犯同黃帝占曰客星守箕北小
熟守東大熟守南小飢守北大飢

流星出箕宮人有出者一日大臣有奔捐者

流星入多暴風一日有獻女者若色黃則外國入貢
流星箕春秋犯金玉貴秋冬犯工功吳天子大作乱

宮城天下大勞

流星交對抵箕宮中不安多疾病口舌

流星大如斗沒箕中下有流血

彗孛出箕大水而出則大人飢米貴五倍海中占曰天下

多死喪一曰夷狄入中國兵大起海溢河決且有旱

米貴十倍詩含神露曰

彗孛出箕若守東夷下濕吳水軍將為亂

孛星入箕若犯之火水海溢後宮有占占與彗星同

雲氣干犯占

黃白雲氣入箕蚩夷有使來

黃雲氣入箕有獻美女者受賜色黑道死不致色蒼
道上為風所覆

蒼白雲氣入箕其國有災出之灾除

赤雲氣出箕兵出入之兵入

晉惠帝大安二年八月熒惑入箕占占曰人主失位兵
起明年趙王倫篡位改元

觀相象玩占卷之十終

觀象玩占卷之十一

斗宿

總叙

南斗六星曰天廟一曰天丘一曰天闕一曰天機一曰天府
一曰天庫一曰天閔玄龜之首丞相太宰之位木星也
主天子壽命之期主酌量政事稟受爵祿日月五
星貫之為中道其南首二星曰魁為天庫又為天梁
主兵中二星為天相主爵祿北尾二星曰杓為天府主
壽命將有天子之事 占之於北斗其魁第一星主吳第二

星主會稽第三星主舟陽第四星主豫章第五星主
廬江杓尾第六星主九州斗北大星亦曰天闕天子之
正旗也土之官也六星欲其均明明盛則君臣同心
天下安寧爵祿不僭風雨順時人主壽康五穀蕃
昌暗小則君臣失位天下不安芒角動搖則忠臣失勢
天下愁怒大小不齊則上下乖違移徙則賢臣逐天下病
变色失常則陰不調宰相憂之

日月變異占

日在斗食人主惡之春秋感精符曰將相有憂飢凶

兵起甘氏曰其國反叛武氏曰吳地有兵一曰戒之
在后夫人嫌且有相使巫祠永幸於王者

日暈于斗宗廟不安宗臣囚死又曰宰相易有誅戮人
流亡

月在斗食女主惡之一曰國飢有小兵天文錄曰妃嬪有黜
者一曰將相憂有兵起國飢

月暈于斗人流千里鄰萌大將憂牛馬大疫

陳卓曰大臣死大將為亂五穀不成

月暈箕斗兵起東北方來者勝從西南方來者不勝一

曰五穀不成易大得

月在箕而暈斗兵在外戰月在斗兵罷

月在斗有變國易相爵祿失大臣憂刑戰有非理食
祿又曰有亂臣更易天子法令者一曰近臣死

月五星干犯占

月入南斗大臣失位若有誅死者却萌曰大臣憂一曰
太子殃一曰宮中有自賊者

荊州占曰吳越有災期不出三年陳卓曰兵起大赦
月入斗魁中大人憂太子辱宮中有賊

月以子丑中入南斗京房後曰百八十日有赦無餘四

黃帝占曰四月十日入斗中天子大赦近期卒日期六月遠二年
月一年入斗魁中有兵起有德得令

月犯南斗大臣誅大將反近臣去主凶曰將死陳卓曰風雨
不時兵起

月乘南斗色惡將 月宿斗有風雨

歲星犯南斗吳越有福其歲大豐守之六十日臣有增爵
祿者石氏曰歲星守斗久則穀貴君臣乖失道者死

木星犯南斗石氏曰有赦却萌曰兵起大臣死春秋合誠圖曰

大臣有逆謀歲飢人相合

木凌乘南斗大臣有謀反謀反伏誅者

木入南斗却萌曰天下受爵祿近期六十日遠期百二十日

海中占曰人多死者荊州占曰有大水陳卓曰歲旱卿相
有憂太后惡之一系麻賤

未經南斗吳國大稔經魁中央過之君弱大臣死

木逆行入南斗陳卓曰有亡國死王春秋感精符曰大臣若
國相為逆天下離君臣乖

木逆行于斗人君賞非其人

木逆行入斗魁中大臣謀作亂兵起水災穀貴

木順行守斗已去之復還居之刑色不失天下同心爵祿不
僭時和歲豐其國大昌

木出入逆留舍南斗六十日不下大飢若有兵來伐其國則
客軍大敗

歲星居南斗海中占曰五穀以旱傷其北不利小兒一曰牛多
死其肉殺人居其西歲多飢傷民多死東官候曰虎狼
入則傷人居其南人多病寒熱一曰多亡狗居其東馬
多死肉殺人一曰歲星居南斗北歲旱水晚旱

却萌曰歲星居南斗旗其國不用衆而有天下旗者杓
尾第六星也

熒惑守南斗國有憂相不安兵起黃帝占曰有亡國失兵
大衝又曰穀出婦女轉漕若有諸侯客來見天子者
一曰太子疾吳越有憂

五行傳曰為亂為賊為喪為兵守之久者國絕嗣海
中占曰多火災

却萌曰大人憂有赦一曰內亂變一曰五穀不成地動嬰
兒多死閭梁不通有廢臣天下亂乙巳占曰火守斗

二十日有大赦又曰宰相出起已去而復還守之宰相死
火以十月守南斗三十日民介胃不出一百國以兵亡
火犯南斗為飢為乱有破軍殺將一日有赦

海中占曰有反臣道路不通丞相有事天下乱

火入南斗將相有謀反者石氏曰外國之臣外内而謀大
乱一日其地有乱軍二曰越人相食甘氏曰兵大起臣誅却萌
曰國飢又曰立太子天下受爵祿一日天下先潦後旱

火入南斗而守之三月吳王死二月后死一月相死不死則出
走入斗兵起吳越飢有大災一曰内外有謀

火晨出東方而入斗因守之其國絕祀

火留南斗無功者賞

火過南斗出斗上行疾天子出斗下行疾臣憂

火逆行南斗土功興若芒角怒動天下震火逆行入斗口

中天子惡之

逆行經斗中而光芒角及之其國君死

火逆行於斗天下驚憂若舍斗環繞勾已者太尉上卿宰

相憂却萌曰熒惑逆行光芒入斗其下國主死一日地

動嬰兒多死閭梁不通留二十日以上出復入大人憂期五

月火出入留舍斗魁中五日不去天下兵起國易政火

舍南斗西木果不實舍斗東天下大戰若環繞勾已
之大尉宰相死已出而復入大人忌之

鎮星入斗中有王者出不用兵而升天位都萌曰天下受爵
祿春秋聖洽符曰鎮星入斗而守之人背其主天下壅蔽
在陽為天子在陰為諸侯荊州占曰將軍戮司馬憂
天文志曰貴臣將相死或曰外國有來見

土失行入斗中國失地又曰有喪兵起國中又曰天子不可
出遊不可見諸侯

土守南斗王者封賞諸侯土官有受賜者石氏曰國多

義士都萌曰地型山崩天子失制有大赦荊州占曰大臣逆奸臣謀君在陽曰宅貴在陰田宅賤一曰大臣有黜者一曰有暴水至武密占曰君臣俱不安守之九百有水火之災

土犯斗石氏曰大赦乙巳占曰先水後旱若守之一旬名水有溢者不則水瀑出

土出南斗兵起西方若西南方

土逆行南斗地動都曰王者賞賜失節一曰主女淫佚賜予不常一曰臣謀君地動先水後旱

土出入留舍斗三十日不下有大喪五十日不下彗星出九十日不下

天下用兵

鎮星行南斗不中道女主嫡子位失

太白守南斗執政大臣作乱兵起大赦 黃帝占曰大人當之
國易政一曰所守之國凶一曰將戮一曰夷狄內侵有兵戰一曰
留守斗破軍殺將若守之七日夷犯來侵兵起

太白犯斗小人在位兵起有赦一曰有喪天下受爵祿

太白犯斗而守之石氏曰有兵戰破軍殺將一曰國有兵事

大臣反者誅死

太白入斗將軍黜天文錄曰外國有客來見者陶隱居曰

天下受爵祿出斗天子遣使出外國

太白入斗國更政石氏曰將軍作乱大人禦守有大赦有兵
在外兵罷甘氏曰將軍誅國易政期三年海中占曰將相有
殺者却萌曰不出六十日有大兵相死陳卓曰國君死否則病疾
太白入南斗已去之復還守之有兵戰將死一曰大臣反女主憂
金火同入南斗臣子為逆义守之則禍遲而事大去速則禍速
而事小

辰星宿守南斗水災却萌曰有兵易政胡陳卓曰萬物
不成五穀傷敗洪範傳曰其國不可舉事用兵必受其殃

荊州占曰鉄鉞用

黃帝占曰辰星守赤而角天下敗白而大有兵諸侯裂地
相賂為和黑而小所守之國亡石氏曰辰星守斗在斗
北民凍死在西虎狼入邑在南狗多死在東女子多死
氏曰辰星守斗角動而有青黑色天下大水橋梁不通
大人死 辰星失行守斗將相誅

辰星犯南斗有赦有戮將相死天文錄曰有水災曰其色
黑小有災一曰其分有灾

辰星入南斗巫咸曰大臣誅却萌曰天下受爵祿

辰星犯入斗而留守之有兵大戰破軍殺將陶隱居曰水入斗起大飢

辰星之南斗天下大水傷殺民人飢

辰星與斗合有兵喪政立王公

客星流星彗孛干犯占

客星守南斗有兵絕道大水盜賊起國有喪君臣父子相殺父守之國絕祀

黃帝占曰君臣不相親兵起五穀先賤後貴却前曰諸侯有謀工役興軍士走一曰大旱人役宗廟憂火災

天下易政土官春秋文曜鉤曰客星守斗五十日臣謀主兵大起
天下死國易政期三年星色青白大水色赤大將戮死

客星出斗石氏曰天子使人干諸侯色青憂事赤兵事黃
土功事白義事黑凶事又曰兵大起大水天下飢人相食
關梁不通期一年都萌曰赤星入南斗魁前中兵起出魁中
將戮相死

客星犯南斗其國亂兵大起期一年陳卓曰王者病臣謀君
子謀父弟謀兄諸侯不通天下易政遠不出一年

客星舍南斗為水為飢道路不通

客星入南斗石氏曰諸侯有來見天子者以五色言其事
巫咸曰下伐上夏氏曰諸侯相攻都萌曰盜賊陳卓曰
穀不登人相殺

黃帝占曰客星入斗中三日不去城廊門閉道路不通貴
人受殃外兵殺傷外國來而不降一曰微官受誅有赦七日
不出天下有赦期一年

赤星入斗中宮人坐子非其子也

流星入南斗穀貴民勞有易王一曰外國有使來色赤言兵
色黃言土工色白言義色青言夏色 言死喪事

流星出斗天子使出以色占其事以星所抵之宿占其所之國
流星犯南斗宰相憂一曰春犯天子有災夏犯女主災秋犯有
水災宰相黜冬犯斗魁大臣逆主命
流星從南斗起入北斗有赦

彗字出南斗其分有謀天文錄曰其國主憂武密占曰水
災並起有戰流血陳卓曰天子病諸侯睽不通

彗字入斗大臣反宮室焚

彗字滅斗人主亡斗星明反者誅

彗字犯斗主爵祿臣憂王者病疾臣謀君子謀父弟謀兄

上下無禮諸侯不通天天易政大亂兵起期百八十日
遠不出一年又曰吳國兵起有自立者三年而滅一日吳
越有水災

雲氣干犯吉

蒼白氣雲入南斗多大風

赤雲氣入斗兵起如波揚大旱多火災

黃白雲氣入斗諸侯來見天子不則有使來貢

黑雲氣入斗宗廟中有大憂

赤雲氣入南斗外兵入出斗內兵出

黃白雲氣出斗天子使人于諸侯

赤雲氣入北斗還勾南斗不出一年其下有流血將死營空客勝主人

漢武帝元鼎中熒惑守南斗占曰為亂賊喪兵守之久其國絕祀
南斗越分也其後越相呂家殺其王及太后漢兵誅
之滅其國

和帝永五年九月金在南斗魁中占曰大將死十二月車騎
將軍鴻坐追虜失利下獄死

順帝永和二年八月庚子熒惑犯南斗占曰斗為星紀熒惑
犯之不期年國有憂有亂又曰多火災期年五月吳都

太守及行丞事牟璆等反江賊蔡伯流等攻廣陵燒城廊殺都尉

又永和四年熒惑入南斗犯第三星斗為黃相為揚州火犯之為兵喪其六年大將軍梁商薨九江丹陽賊周生等反攻沒郡縣

靈帝熹平元年十月熒惑入南斗其十一月會稽許昭等聚眾自稱大將軍攻破郡縣

晉惠帝永興元年九月太白入南斗是後陳敏作亂揚州

康帝建元三年閏月乙酉太白犯斗占曰為喪天下辭祿

九月帝崩太子立大赦賜爵

牛宿

總叙

牛六星牽牛一曰天鼓木星也亦曰天關為關梁主犧牲之事陽氣始於牽牛日月五星常貫之為中道中央大星七政之始七曜之行起於此其上二星一曰即路一曰聚火主道路次二星主關梁次二星主南夷其中大星主牛牛星大明明王道昌關梁通天下寧不明則五穀不成牛多灾其小星大明則牛貴大星明則牛賤色怒則馬貴移

曰君憂

吳或守室將軍出春秋元命包曰群妃聞春秋文耀鉤曰后妃專石氏
曰天子為軍自守之月王者崩有立王耳氏曰客燒主人將軍有誅
又曰民人為變巫咸曰旱五谷不成多火災海中占曰人疾疫多死
郗萌曰人主改宮室天下大飢

火犯室有兵民死歲旱郗萌曰犯其陽陽有急犯其陰陰有急石氏曰
賤人若於役荊州占曰諸侯相攻大戰粟倍貴

火入室巫咸曰臣伐主一曰有兵兵罷荊州占曰齊國有兵民多死歲凶石氏
曰衛君死二曰相死不死則走耳氏曰大臣有謀匿郗萌曰有賊非

盜石客曰天子宮中有凶留二十日以上天子惡之曰火入室中天
子改服作宮室

火達行室石氏曰王者衰臣謀反若犯之兵大起環繞之三十日有破國
六十日不下有死王若太子死期一年遠不過三年

火入室而守之四十日諸侯轉粟各虛其國

火久守室環繞之成勾已入主失官毀位大臣謀反夏旱米貴十倍守
之二廿日以上至六十日有死王臣為達有弑君篡國

火經室中諸侯起兵相謀

火出入留舍室中有客來欲見君者又為多土工

動則牛多灾矣星亡則牛盡死小星亡則小牛死牛星始見也
黃則大星賤色赤則大星多傷色白則大星貴星近漢則天
下牛貴入漢中則牛疫死星直則五谷價平星曲則米貴
失常變動則五谷不成甘氏曰牛上二星主道路一星主
閑梁次南三星主南越亦為南夷動搖变色從而占之
牽牛亦為將軍中央大星左右出則大將心不正前星左
右出則前將軍心不正後星左右出則後將軍心不正所謂前
者大星南星也後者大星北星也

日月變異占

日在牛食其國兵起甘氏曰戒在后夫人嬪婦有祠祝求幸
日暈于牛陰國憂暴兵起

月在牛食其國叛臣兵起天文論曰其分飢一日後宮後妃夫
人姊有畜黠者一日有謀陰

月暈于牛小兒多死郝萌曰五穀不成

黃帝占曰有兵戰牛多暴死荊州占曰牛羊貴武密占曰有水
災 乙巳占曰月暈牛女子貴

月以冬三月暈牛一百四十日有赦亦為有賜爵之令

月變于牛閭渠閭塞將有農令犧牲之事四足虫多死月五

星犯干占

月犯牛者牛疫其國將憂將軍亡馬牛暴貴犧牲之官憂將軍奔道路阻閼梁塞天下有詐殺大貴大國有憂將軍死陳卓曰天下大誅多死

月去牛天下有大水人相食棄於道一曰兵起馬多死武家曰犧牲傷其主官有憂

月犯牛中央火星大將死國有憂

歲星守牛天下和平石氏曰守之三十日至九十日四夷來朝海中占曰木星守牛臣謀君來貴三月乃復

平減曰馬災五穀多傷一曰陰陽不和農人死野孝經援神
契曰木守天閭在其北民流死在其西民多以風災死者又
曰為虎狼入國在其南徇多狂死在其東不利嬰兒郝萌曰
木守牛東其春牛大疫守南夏牛疫守西秋牛疫守北冬
牛疫又木守牛肉三尺旱守牛北五尺水陳卓曰木守
牛南五穀以旱傷守牛東萬物不成人流亡六畜多疫
死牛馬為大臣有謀事守牛北人多凍死守牛西氣發
洩歲多水天文論曰木守牛光明潤澤則粵人來貢
木犯牛越人者敵金玉者

木犯牛而留守之有兵戰破軍殺將一曰牛多死

木入牛農死于野陰陽不和五穀多傷却萌曰天下有牛車行諸侯有失期者

荊州占曰歲多水虎狼害人又多寒多凍死一曰臣謀主民飢貴人多死小兒亦多死

木犯經牽牛石氏曰越人以金銀來貢一曰劬革貴歲飢人自有賣者

木逆行守牛君不愛其親戚

一曰宮中火災

木乘牛却萌曰有大水兵起人人相棄於道

熒惑守牽牛有逆臣牛貴十倍人飢相食兵起將軍死大旱
津梁不通

黃帝占曰民飢為亂貴人多死巫咸曰多火災天下牛多
大疫道無行牛一曰當有稅牛之事海中占曰旱一曰有急
行一曰有犧牲之事有臣反者從中起有走死將期一年却
萌曰火以十月中牛六十日兵大起牛車用一曰越王死米大
貴天子有疾

火犯牛却萌曰國君外其大臣陳卓臣謀主甘氏曰諸侯

將兵人飢國亂大人憂死

火犯牛而守之甘氏曰有破軍殺將

火入牛巫咸曰米大貴石氏曰越王死不死則逐一曰歲多大
水津梁不通五穀傷

火入牽牛而出其南守之二十日有大赦

火乘牛天下大水貴人相棄于道

火出入留舍牛居其陽無咎居其陰為憂海中占曰春旱

秋水閉梁不通齊伯曰牛大貴新葛忍留三十日客兵來

火逆行牽牛有反者兵起大飢

鎮星守牽牛有逆臣欲謀君在陽田宅賤在陰田宅貴石氏
曰天下有急諸侯亦多忠烈義士者有大赦守牛南為
天子憂守北為后夫人有憂却萌曰土守天關氣洩貴
人多死春秋合誠圖曰大人有疾牛馬疫死海中占曰兵
起憂寒人疫却萌曰殺貴又曰山崩地震冬雷人病湧
水出有急令陳卓曰塩貴海中占曰雨雪人飢
土逆行牛女主為奸為賤

土乘牛天下大水兵起人相乘于道

土入牛天下牛車大動一日有盜賊

土經牛春秋合誠圖曰天下木皮革筋貴

土出入留舍牛有失地之君 土犯牛天下工役興

土犯牛而守之甘氏曰有兵戰破軍殺將

太白守牛土氣洩有兵至城下人多死

黃帝占曰吳越兵起牛多死十日不下牛大貴石氏曰有怨令

海中占曰有赦巫咸五穀不成兵革起人多妖言荊州

占曰有兵占人多死一曰犧牛而死甘氏曰將為亂大人

憂國易政一曰閼梁不通石氏曰太白守牛北民流亡守

其西虎狼入邑守其南多狂狗守陳嬰兒多死

金入牛海中占曰天下牛車急行却萌曰乱一曰天子車馬
在道路荊州占曰兵起人多死

金入牛而守之大人死將軍失衆閼梁不通民多大飢
金犯牛海中占曰閼梁道路不通國易政將軍為乱大
人憂國大兵

金犯牛而守之有破軍殺將

太白出入留舍牛三十日不下牛大貴却萌曰大臣為乱五
十日不下有兵至越城下

辰星入斗五穀不成

水守牛滂水為敗守之久牛多死一日人飢有凍死者一日臣謀君虎狼害人

巫咸曰五穀不成一日牛犧牲死海中占曰大水民稊丘陵齊燕尤甚都萌曰人流亡荊州占曰橋梁不通

水犯牛湧水出五穀不登有敗軍殺將為亂臣謀君貴人死民多死喪關梁道路不通牛多死

水犯牛遂守之有軍殺將

水乘牛有犧牲事大水大飢人相棄示道

辰星急過牽牛水出一度一出五度小出六度大出地為之動

辰星恒以冬朝于牛當朝不朝名曰失律二時不朝名曰失律一二時不朝名曰失政三時不朝五穀不登

客流星彗索干犯占

客星守牛有兵石氏曰越人有獻犀象者郗萌曰天子外其大臣地軸占曰地大動一曰水賊起牛馬貴甘氏曰赤星守牛為民乱

客星犯牛石氏曰吳越兵起有自立

客星入牛有兵一曰賊起一曰諸侯之客來以四足為幣以色言為吉凶郗萌曰大臣外交諸侯其色赤黃白謀成青黑賊

乙巳占曰臣謀主五穀不登歲多水賊盜在法海

客星出牛君使人于諸侯以四足為幣色青道病色黑通
死不至一曰客星牽牛兵起大將出關梁阻塞地大動牛
馬貴三倍期二年

海中占曰人多死却萌曰兵北行或曰諸侯友友者

流星犯牛其地將死一曰大將出期六月一曰有足虫來

乙巳占曰王欲改事春犯五穀熟秋冬五穀貴一曰水災

流星出牛天下民流亡

流星入牛色黑牛馬疾死色黃牛馬昌關梁通四夷入貢

乙巳占曰赤流星入牽牛將受命出之將軍出從星所之
彗字出牛天下有更政之事不出七日一日四夷兵起人主憂
有兵粟貴牛死

彗字犯牛中國兵起吳越有亂牛死人災一日天下更革有易政
彗字行歷牽牛其分國亡石氏曰吳越有自為守而敗者
雲氣干犯占

蒼白雲氣入牛牛多死出之則災消

蒼白雲氣橫貫牛宿有兵起除舊布新

黃白雲氣入牛則蕃息一日諸侯有四足入貢者

黑雲氣入牛天下牛多死

赤雲氣入牛牛馬多以漕輓死者出之則兵出

赤雲氣如波揚入牛有兵大戰牛馬大損

白雲氣入牛有兵喪 虹出牽牛之度有崩城期二年

晉康帝升平三年七月戊子月犯牽牛中央大星占曰牛大
星為大將月犯之將軍死十月諸葛師攸舟入河敗沒豫
州刺史謝萬入朝象潰而歸除名司徒會稽王以二鎮
兵敗

孝武帝寧康二年閏 月己未月掩牛火星占曰左將軍

死三年五月丙午北中郎將王垣之薨

觀象玩占卷之十一終